



昆蟲類三

蟋蟀附絡緯 竈馬

蚯蚓 詳類

蛙 詳類

蜥蜴附蛤蚧 壁蝮

蜘蛛附蠅 蠅

卷九十九 昆蟲類四

蛇 總論 詳類 蛇異

卷一百 昆蟲類五

蝸附蝮蟻

蝮蟻

蟻

蝮蟻

蟻 總論 名類 蟻異

蝦蟆 總論 名類 蟾蜍

果蠃

蝮蟻

蟻 附無名蟲

格致鏡原卷九十六

昆蟲類一

總

爾雅有足謂之蟲無足謂之豸

漢五行志 蟲豸之類謂之孽

漢成帝紀 草

木昆蟲成得其所師古注昆蟲也昆蟲言衆蟲也又許慎云二虫為蝨讀與昆

同謂蟲之總名兩義以通而鄭康成以昆蟲為明蟲失之矣說文屈動蟲生

故蟲八日而化小文集雅化生者眼無竅周禮外骨內骨卻行仄行連行

紆行以脰鳴者以注鳴者以旁鳴者以翼鳴者以股鳴者以胷鳴者謂之小蟲

之屬以為雕琢注脰鳴鼃鼃屬注鳴精列屬旁鳴蜩蜋屬翼鳴發皇屬股鳴蚣

蟠屬胷鳴蝶螭屬莊子喘奕之虫肖翹之物莫不適其性酉陽雜俎食葉

者有絲食土者不食食而不飲者蠶飲而不食者蟬不飲不食者蜉蝣周禮

秋官壺涿氏掌除水蝨注壺瓦鼓涿擊也擊瓦鼓以驚水蟲也

蠶附金蠶

總論蠶書蠶為龍精荀况蠶賦此夫身女好而頭馬首者與屢化而不壽者

與善壯而拙老者與有父母而無牝牡者與冬伏而夏游食桑而吐絲前亂而

後治夏生而惡暑喜濕而惡雨蛹以為母蛾以為父三俯三起事乃大已夫是之謂蠶

東方朔別傳蠶之狀喙呷呷類馬色斑斑類虎

皇圖要覽伏羲化蠶為絲黃帝元妃西陵氏始養蠶

舊漢儀今蠶神曰菀窳婦人寓氏公主凡二人

蠶經菀窳婦人先蠶者也蜀有蠶女馬頭娘歷代所祭不同今世俗謂蠶為女兒者是古之遺言也

搜神記太古氏有人遠征家有一女并馬一匹女思父乃戲馬云能為迎我父吾將嫁汝馬絕韁而去至父所父乘之而還馬後見女輒怒而奮擊父怪之蜜問女女以告父父屠馬曬皮於庭女至皮所以足蹠之曰爾馬而欲人為婦自取屠割言未竟皮履然起卷女而行父失女後於七桑樹枝間得女及皮盡化為蠶績樹上蠶厚大異常鄰婦取養之其收數倍

穆希文蟬史世傳蠶乃馬化故背負馬跡蛻殼時頭如馬今人祭馬頭娘名馬面菩薩即其神也

演繁露荀子蠶賦曰此夫身女好而頭馬者歟今蠶頭實不似馬而卿乃云爾則蠶為馬類古有其傳矣周禮禁原蠶為妨馬也

今術家未僵蠶塗博馬齒馬輒不能齧草則蠶馬同類信矣

淮南王蠶經周禮忌原蠶歲再登非不利也然王者法禁之謂其殘桑也然則夏最不宜多育

月令季春后妃齋戒享先蠶而躬桑以勸蠶事注先蠶天駟星也后妃躬

桑率先天下也

禮祭儀三官夫人桑于公桑風戾以食之

注蠶畏濕惡水不欲見露氣風戾之使燥也戾乾也

博物志蠶陽物也惡水

黃省曾蠶經蠶之性喜靜而惡喧故宜靜室喜煖而惡濕故宜版室室靜可以避人聲之喧

開室密可以避南風之吹蠶室版可避地氣之蒸鬱

禮祭儀古者天子諸侯必有公桑蠶室近川而為之築宮仞有三尺棘牆而外閉之

歲時記吳縣王成夜見一人立宅東南角謂成曰此地是君蠶室我即地之神明日月半君宜

作白粥泛膏於上以祭我必當令君蠶百倍言訖失所在成如其言年年得蠶也

雜五行書欲知蠶善惡常以三月三日天陰而無日不見雨蠶大善

淮南子蠶食而不飲二十七日而化

蠶書飼蠶勿用雨露濕葉蓋蠶性惡濕

埤雅今俗飼蠶以葉灑之欲其勻厚

蠶書柘桑飼蠶其絲作琴瑟弦清鳴響亮勝於凡絲遠矣

淮南子人食礬石而死蠶食而不饑

博物志蠶三化先孕後交不交者亦產子子後者無眉目收采亦薄

豐寧傳蠶退之後多為乾腊貨之開元中春末雨京白眼蜂如山市人以此卜絲帛之豐儉

本草蠶皮亦曰蛻一名馬明退一名佛退

又蠶屎名蠶沙蠶眠所退殼名蠶褪又名蠶退

朝野僉載被蠶齧者以甲蟲末傅之

歲時記今世人正月十五日作粥禱

之加以肉覆其上登屋食之呪曰登高廉披鼠腦欲來不來待我三蠶老則是為蠶逐鼠矣清異錄齊魯燕趙之種蠶收論訖主蠶者嘗通花銀碗謝祠廟

村野指為女及第天中記蜀人二月望日驚蠶器於市因作樂縱觀謂之蠶市

唐西域傳于闐初無蠶焉鄰國不與其王乃求婚女置蠶帽絮中始有蠶

其女刻石約無殺蠶俟蛾飛盡乃治繭山海經歐絲之野在歧踵國東一女

子跪捧樹歐絲郭註嗽桑吐絲蠶類也傳燈錄富那夜奢昔為昆舍利國王

其國有一類人如馬保露王運神力分身為蠶彼乃得衣王後復生中印度馬

人感戀悲鳴因號馬鳴大士

名類永嘉記郡有八蠶一曰玃珍蠶三月績二曰柘蠶四月初績三曰玃蠶

四月初績四曰愛珍五月績五曰愛蠶六月末績六曰寒珍七月績七曰四出蠶

九月初績八曰寒蠶十月績凡蠶再孰者皆曰珍珍子為愛癸辛雜志月直

大火則浴其種今人以鹽水沃其種謂之脆蠶其蠶為上不浴者名火蠶其蠶

次之事物紺珠起娘頭眠蠶又巧娘最先熟蠶埤雅再蠶謂之原蠶一名

魏蠶今以晚葉食之方言秦晉謂之魏蠶郭註魏細也今轉為二種癸辛

雜志紅蠶綠於枯桑其繭不黃蓋蠶足于葉三俯三起二十七而蠶已老則紅

故謂之紅蠶以繭自衣亦謂之室爾雅蠶桑繭者即今蠶雖目樗繭食樗

棘繭食棘者樂繭食樂者玃繭食玃者皆繭類唐書南詔自曲靖州至滇池人水耕

食蠶以柘蠶生閱二旬而繭織綿繅精緻事物紺珠楓蠶楓葉始生有虫食

葉如蠶赤黑色四月吐絲光明如琴絃海濱人取作約縵出橫州吳錄南陽

郡一歲蠶八績俞益期箋日南蠶八熟繭軟而薄唐書南蠻莊躄之裔正

月蠶生二月熟拾遺記圓嶠山東海有水蠶長七寸黑色有鱗角以霜雪覆

之作繭長一尺五色織為文錦入水不濡入火不燎梁西公記扶桑之蠶長

七尺圍七寸色如金四時不死五月八日嘔黃絲布於條枝而不為蠶脆如絃

燒扶桑木灰汁煮之其絲堅韌四絲為條足勝一鈞蠶卵大如燕雀卵產於扶

桑下齋卵至旬麗西陽雜俎旁邑新罷國人有弟甚

富旁邑因分居求蠶種于其弟蒸而與之龜不知也後生一蠶大如斗食葉

數樹不足四方百里蠶飛入其家謂之蠶王四鄰共緝之不供

蠶繭事物原始蠶自成曰獨繭二三以上曰同功蠶經長而瑩白者細絲

之繭大而晦色青葱者粗絲之繭皆擇去其蒙戎之衣其內潰而漬濕者謂之

陰繭及薄而雜者綿之繭可為粗絲不可以經日經日則絲爛而難抽不可以

楚香莫香則蛆穴而難抽大者謂之磨工其在簇也擇繭之尖細堅而腰小者雄也圓慢厚而腰大者雌也相兼而收以簇中為佳近上則絲薄近下則子不生續漢書光武建武二年野蠶成繭民收其絮古今注元帝永元四年東

萊郡東牛山有野蠶為繭生蛾蛾生卵卵著石收得萬餘石民以為蠶絮說林蠶最巧作繭往往過物成形有寡女獨宿倚枕不寐私于壁孔中視鄰家蠶箔明日繭多類之雖眉目不甚悉而望去隱然如愁女蔡邕見之厚價市歸縹絲製琴絃彈之有憂愁哀慟之聲問女琰琰曰此寡女絲也事物紺珠宋

太宗時邱封民家發蠶簇有繭聯屬自成被廣五尺長倍之真宗時荊州人家蠶簇上繭自成被酸麥縣民家繭自成被長二丈五尺濶四尺哲宗時北海縣蠶自織景祐四年靈河縣民家繭自成被長二丈五尺濶四尺石瓠池採大柘桑飼蠶於池如絹成領帶孔六帖大軫有靈泉池以五色石瓠池採大柘桑飼蠶於池

中池中有挺荷疾風不能動大者濶三四尺蠶經十五日即入荷中蠶可五六寸為繭形如斗自然五色人縹之以織神錦神仙傳園客者濟陰人常種五色香草積數十年服食其實忽有五色蛾集香草上客收而薦之以布生華蠶焉至蠶時又一女自來助客養蠶得繭大如瓮每一繭縹六七日絲乃盡縹訖

此女與園客俱仙去夷堅志農民王友諒嫂秦氏性狠戾諒常乞蠶種于兄秦以火逼而遺之諒妻如常煖浴以俟其出過期但得其一已而漸大幾重百斤秦氏伺諒夫妻作客東村直入蠶房蠶卧牖畔喘息如牛食黃如風雨聲秦鞭以巨挺每一擊輒吐絲數斤秦震怖急歸病心顛死諒蠶繭皤然如麩綠之正得絲百斤

金蠶陸翹鄴中記永嘉末盜發齊桓公墓得金蠶數千簿稽神錄千牛兵曹王文東丹陽人其祖常為浙西廉使裴瓌采碑於積石之下得一自然圓石如毬形式如礮斫乃重疊如殼相包斫之至盡其大如拳復破之中有一蠶如

蟻蠕蠕能動或云人欲求富莫如得石中金蠶畜之則寶貨自致矣問其形狀則石中蟻也魯應龍括異志金蠶蠶如金色食以蜀錦取其遺糞置飲食中毒人必死喜能致他財使人暴富遣之極難雖水火兵刃不能害多以金銀藏篋置蠶其中投之路隅人或收之以去謂之嫁金蠶鐵圍山叢談金蠶

毒始蜀中近及湖廣閩粵多有之常見福清縣有訟遭金蠶毒者縣官治求不得蹤或獻謀取兩刺蝟入捕必獲矣蓋金蠶畏蝟蝟入其家金蠶則不敢動雖匿榻下牆罅果為兩蝟擒出之亦可駭也

昆蟲類 蠶繭 金蠶 蜂

蜂

總論

化書蜂毒在尾垂穎如鋒故謂之蜂

方言蜂燕趙之間謂之蠓螈或

謂之蚰蛻

檀弓范則冠而蟬有經注范蜂也

石藥爾雅蜂一名羅又清

異錄温庭筠句云蜜官金翼使謂蠶也

道經蜂交則黃退近蜂聞暑蜂採

百花俱置翅間及股間惟蘭花則拱首入房以獻於王物亦知蘭之貴如此

陰陽變化錄有花時一半守房一半分次撥發花少受罰楚花開時蝦蟆所掠

龜蚤所粘者十去其三每一百蜂往往有七十回房如采花盛時十去其二

爾博物志遠方諸山蜜蠟處以木為器開小孔以蜜蠟塗器內外令遍春月

蜂將生育時捕取得三兩頭著器中蜂飛去尋將伴來經日漸益遂停器中

玉壺清話唐太宗置蜂器中令丁文果覆射文果曰藹藹華華山中採花雖無

官職一日兩衙山堂肆考蜜蜂朝夕排衙必羣聚喧鬧朝衙畢才出採花供

王晚衙畢則入房埤雅蜂有兩衙應潮其主之所居眾蜂為之旋繞如衛誅

罰徵令絕嚴有君臣之義化書曰蜂有君臣禮也採取百芳釀蜜其房如脾謂

之蜜脾其王之所居疊積和臺語曰蜂臺蟻樓言蜂居如臺蟻居如樓也一名

蠟蜂蠟生於蜜而天下之味莫甘於蜜莫淡於蠟蓋厚於此者必薄於彼理之

固然也舊說蜂之化蜜必取匿緒之水注之蜜房而後蜜成故謂之蠟者蜜之

跡也王元之蜂記凡取其蜜不可多多則蜂飢而不蕃又不可少少則蜂情

而不作陳藏器本草諸飛虫著蜘蛛之網皆不能脫唯蜂不畏蜘蛛反擒而

食之筆談有蜘蛛為蜂所螫腹欲裂徐入草齧草梗微破以瘡就蓋處磨之

良久腹消如故自後人有為蜂螫者按芋梗傅之則愈亦可洪範五行傳

秦昭王三十八年上郡大饑蜂食田苗嶺表錄異宣歙間人好食蜂兒狀如

蠶蛹而瑩白大蜂結房於山林間大如巨鐘其中不知幾百層村人採時必以

草衣蔽身以捍毒螫復以烟火逼散蜂母然後攀援崖樹斷其根一扇有蜂兒

五斗或一石三分之一翅足具矣即入鹽酪炒之曝乾貯之寄入京洛以為方

物抱朴子軍行卒逢羣飛蜂及蝨虫若蜜蜂尤多者備藏伏之賊山海經

平逢山有神如人二首名曰嬌蟲是長蟹虫實惟蜜之廬郭璞注嬌為蟹虫之

長廬蜂所舍蜜亦蜂名蜂記窠之始營必造一臺其大如粟俗謂之王臺王

居其上生子其中或三或五不常其數王之子盡復為王矣歲分其族而去山

谷患蜂之分也以棘刺關于王臺則王之子盡死而蜂不析矣博物志諸方

山郡僻處出蜜蠟蜜蠟所著皆絕巖石壁非攀援所及唯於山頂以籃輿自懸

下乃得之蜂遂去不還餘窠及蠟著石者有鳥形小於雀羣飛于數來啄之比冬都盡其處皆如磨洗至春蜂皆還洗處結窠如故年年如此初無錯亂者人亦各占其平處謂之蠟塞 **酉陽雜俎**南中多隔蜂窠窠大如壺常羣螫人土人取石斑魚就蜂側火之標於竿上向日令魚影落其窠上須臾有鳥大如燕數百互擊其窠窠碎落如葉蜂亦全盡 **本草**雷敷曰窠房有四一革窠窠在樹間內窠小隔六百二十六箇其隔是葉蓋二石窠窠在人家屋上色蒼黑三獨窠窠如鶯卵皮厚蒼黃色四草窠窠入藥以草窠窠為勝 **荊州圖經**赤馬山有窠房二百所羅緞相望因名曰百房 **清異錄**蜂窠曰一寸樓臺 **本草**百穿蜂房別名

名類 **蜂記**蜂王其色青蒼差大于常蜂無毒 **陰陽變化錄**蜂每歲三四月則生黑色蜂名曰將蜂又名相蜂蜂王乃相蜂所生也相蜂不能採花但能釀蜜蓋無此蜂不能成蜜至七八月間相蜂盡死相蜂如不死則羣蜂饑俗謂相蜂過冬蜂族必空蜂王大如小指不螫蜂無王而盡死有二王而即分分蜂之時多老王遜位而出所分之蜂均擊其半未嘗多寡從王而出者未嘗復回王之所在蜂不螫人飛止必環衛蜂王皆有隊伍行列 **事物紺珠**蜜母色黑正

月旦為蜜蜂周行諸山求安處羣蜂隨之蜜母暮還入蜂窠 **格物總論**蜜蜂

三種一種在林木上作房一種在人家作窠其蜂甚小微黃蜜皆濃美一種黑色似蠶作房巖崖高峻之處非人跡可到其窠名石窠又名崖窠人以長竿刺出多者至三四石味酸色綠比他窠尤勝蜂穴居者最大一名粘蠶尾能螫人 **蟬史**蜜蜂即人所養之蜂也山間亦有之其子未化頭足如蛹服之令人好顏色 **埤雅**方言曰其大而有蜜謂之壺蜂即今黑蜂蓋亦釀蜜楚辭所謂赤蟻若象玄蜂若壺者也黃蜂亦其一種無蜜纖長其窠仰綴於屋銜漆以固其蒂陰陽其尾喜合末端有歧者北銳者牡也 **正字通**胡蠶黑色一名壺蠶一名儼蠶蠶一名玄蠶蠶皆因形命名大黃蠶色黃儼蠶色黑 **五雜俎**山蜂

螫人皆復引其芒去惟蜜蜂螫人芒入人肉不可復出蜂亦尋死傳言尹吉甫後妻取蜂去毒繫衣上以誘伯奇即此也余在楚長沙見蜜蜂皆無刺玩之掌上不能螫人與蠅無異又可怪也 **爾雅**土蠶 **注**今江東大蠶在地中作房者為土蠶啖其子即馬蠶 **正字通**土蠶穴居作房赤黑色最大一名蜚零荆巴間呼為壇蠶人中土蠶螫至死 **蟬史**沙蜂似土蜂而小黃蜂而大冬在人家屋上作房大者如甕小者如斗如壺毒亞于土蜂 **爾雅**木蠶 **註**似土蠶而小

在樹上作房江東亦呼為木蜂又食其子

山堂肆考郭璞云穿木蜂黑色在

人家簷椽間穿穴如刀錐所鑽能螫人又一種黑蜂穿竹作孔者名笛師一作留師

俗呼鑽竹蜂蜂如小指有黃甲甲下有翅穴竹為窠不螫人不穿木有窠如稠

糖又有牛舌蜂 **酉陽雜俎**蜀中有竹窠蜂好於野竹上結窠大如雞卵有帶

長尺許窠與蜜並紺色可愛甘倍於常蜜又有蜂狀如蠟蜂稍大飛勁疾好圓

裁樹葉卷入木窠及壁罅中作窠段成式嘗發壁尋之每葉卷中實以不潔或

云將化為蜜 **物類相感志**赤翅蜂出嶺南形如土蜂翅赤頸黑穿土為窠食

蜘蛛 **南蠻記**靈州沙中有折腰蜂岸崩則蜂出土人燒治以為琥珀 **本草**

獨脚蜂黑色一足連樹根不得去出嶺南五月採之治癰疽燒此蜂研末和油

塗之良又革蜂山中大黃蜂也 **五侯鯖**火蜂其狀如螽 **物類相感志**蠟蜂

南土沿海陽春郡生此虫虫附橄欖樹雖有首足與木葉無異鳴則自呼土人

取者先伐仆樹候樹葉凋而取之又說此虫形如樹葉色以帶紅無頭足欲取

之採盡其葉分堆而聽其鳴旋分堆若至數伺其鳴方得之土人藏於篋筒中

以鳴聲之清越則吉若濫濁則凶卜一家之禍福或云有貴行遇蠱毒為害必

鳴也 **正字通**獨蜂俗名七里蜂毒最猛人馬被其螫立亡 **格物論**蜂窠

在窠鼻蛇穴下故毒螫倍諸蜂蠱中于足輒斷落中心胸則圯裂方不能療須

持禁制之 **五雜俎**江南山谷中有黑蜂大如螻蛄能螫殺人俗云七枚能殺

一水牛 **庶物異名疏**土宿大蜂駱各小蜂見周處風土記嚙斷其翅使塘土

以廣其室觀其穴口聚土多知其處貧人掘其子煮而食之 **莊子**庚桑楚篇

奔蜂不能化蒼蠅注奔蜂小蜂也 **列子**天瑞篇純雌其名椎蜂

異蜂 **酉陽雜俎**嶺南有毒菌夜明經雨而腐化為巨蜂黑色喙若鋸長

三分餘夜入人耳鼻中斷人心繫 **拾遺記**周武王伐紂夜濟河有大蜂狀如

丹鳥飛集王舟 **酉陽雜俎**龍門寺庭多古桐有異蜂大如鵲吟花間僧異之

網一枚置籠中翌日又一大蜂尋至籠邊曰孔昇翁為筮不祥頗記否又曰君

已除死籍何懼又曰子與青桐君奕勝獲琅玕紙君出為我寫星子詞僧密聽

之乃放之 **杜陽雜編**鸞蜂蜜貞元中吳明國所貢云其蜂之聲有如鸞鳳而

身被五彩大者可重十餘斤為窠於深巖峻嶺間大者占地二三畝國人採其

蜜不過三二合如過度則有風雷之異若誤螫人則生瘡以石上菖蒲根傅之

即愈其蜜色碧常貯之於白玉椀表裏瑩徹如碧琉 **五侯鯖**大蜂出崑崙一

蝶

總論

埤雅

蛺蝶粉翅有鬚一名胡蝶

續古今注蜂蝶之類無雌皆以鬚嗅

鬚蓋其鼻也

太平清話

蝴蝶絡繹蟋蟀以鬚交

道經蝶交則粉退

廣博

物志梁山有漢武帝廟至今祭時有蝴蝶一二百降祠所饗其食近之不驚徹

饌然後羣去時謂武帝侍從捉之者病

山堂肆考俗傳大蝶必成雙乃梁山

伯祝英臺之魂又曰韓憑夫婦之魂

酉陽雜俎蛺蝶尺蠖繭所化也秀才顧

非熊少時嘗見鬱樓中壞綠裙幅旋化為蝶

搜神記木蠹生虫羽化為蝶

莊子至樂篇陵陽得鬱樓則為鳥足鳥足之根為蟻蟻其葉為蝴蝶

陸龜蒙

甫里集橘之蠹大如小指首負特角身感感然類蝨蟻而青翳葉仰翳如飢蠶

之速人或振觸之輒奮角而怒氣色桀驁一旦視之凝然勿食勿動明日復往

則蛻為蝴蝶矣力力拘拘其翅未舒襟黑黢蒼分朱間黃腹瑱而橋綫纖且長

如醉方寤附枝不揚又明日往則倚薄風露攀緣草樹聳空翅輕瞥然而去或

隱蕙隙或留篁端翩旋軒虛颺曳粉拂甚可愛也

埤雅嘗見園蔬其葉有為

蝶者三分二已蝶矣其一尚葉也

酉陽雜俎張周封言百合花合之泥其隙

經宿化為大蝴蝶

合璧事類進士段碩常識南孝廉者善斫膾殼絲縷輕可

吹起操刀響捷若合節奏因會客術技先起魚架之忽暴風雨雷震一聲繪悉

化為蝴蝶飛去南驚懼遂折刀誓不復作

天寶遺事明皇春時使妃嬪插花

親放蝶隨其止幸之

誠齋詩話東京二月十二日曰花朝為撲蝶會

事物

紺珠宋雍熙中京師人破竹為細縷以五色紙為蝴蝶綴其杪兩兩相對手撚

之相飛觸白鬪蝴蝶後河朔頗歲用兵

馮翌桂苑叢談咸通中進士張綽有

道術人或召飲合意則索紙剪蛺蝶三二十枚以氣吹之成列而飛如此累刻

以指收之俄皆在手

名類

莊子胡蝶胥也注蝶一名胥古今注蛺蝶一名野蛾一名風蝶江東

呼為槿末一作色白背青者是也其大如蝙蝠者或黑色或青斑名曰鳳子一

名鳳車一名鬼車生江南柑橘園中

酉陽雜俎劉魯封云見滕王蝶圖有名

江夏斑大海眼小海眼村裏來採花子

採蘭雜志蛺蝶一名春駒

清異錄

溫庭筠句云花賊玉腰奴謂蝶也

甯波志吳中有花蝴蝶橘蠹所化也婦孺

以梁山伯祝英臺呼之今土人呼黑而有彩者曰梁山伯純黃色者曰祝英臺

丹鉛總錄蝴蝶或白或黑或五彩皆具惟黃色一種至秋乃多蓋感金氣也

北戶錄段公路南行歷懸藤峽維舟飲水觀岩側有一木五綵初謂丹青之

樹命僕採獲一枝尚綴軟蝶凡二十餘箇有翠紺縷者金眼者丁香眼者紫斑眼者黑花者黃白者緋脉者大如蝙蝠者小如榆莢者因登岸視之乃知木葉化焉

西陽雜俎 衛公得峽中蝴蝶翅濶四寸餘深褐色每翅上有三箇金眼

珍珠船 黑蝶大如蝙蝠桶蓋所化北人或名玄武蟬鬼蛺蝶大如扇四翅

好飛荔枝上 **南方草木狀** 南海有鶴草上有虫老蛻為蝶赤黃色女子藏之

謂之媚蝶能致其夫憐愛 **北戶錄** 常見盧肇說捉得一粉蝶如兩手犬上有

散綠點子丁香眼前翅頭兩畫臘脂色後翅為燕尾分亦蝶之異也 **羅浮山**

志 山有蝴蝶洞在雲峯巖下古木叢生四時出綵蝶世傳葛仙遺衣所化 **稽**

神秘苑 劉子卿居廬山有五綵雙蝶遊花上其大如燕後化二女來合歡 **嶺**

南異物志 嘗有人遊南海泊于孤岸有物如蒲帆飛過海將到舟舟人競以物

擊之如帆者盡破碎墮地視之乃蛺蝶也海人去其翅足秤之得肉八十斤噉

之極肥美

蜻蛚 蜻蛚飲露六足四翼其翅輕薄如蟬晝取蚊蟲食之遇雨即多好集水上

欸飛尾端亭午則亭一名蜻蛉說者以為五月五日取其首正中門埋之皆成

青珠故類從曰蜻蛚之首瘞而為珠也 **本草會編** 蜻蛚乃水蠶所化水蠶既

化蜻蛚相交還於水上附物散卵出復化為水蠶水蠶復化為馬 **七修類藁** 蜻

蛚貼水飛時以尾蘸水中杜詩所謂點水蜻蛚欸欸飛是也然不知點水者乃

生子也既遺水中青鮪魚食之腹脹孕虫噬母腹而出身似蟬而小名曰蝦蟇

蟲及蛻始為蜻蛚 **山堂肆考** 蜻蛚或云稻田間青蟲所化一種最大者京師

呼為馬大頭 **戊辰雜抄** 有大龍蛻於太湖之湄其鱗甲中出蟲頃刻化為蜻

蛚朱色人取之者病瘡令人見蜻蛚朱色者謂之龍甲又謂之龍孫不敢傷之

爾雅疏 蜻蛚一名虹蛭一名負勞江東呼猴梨淮南人又呼蠓蚱字林云一

名桑根陶注本草云一名蜻蛚是也 **淮南子** 水蠶為蠓 注蜻蛚也

高誘呂覽注 蜻蛚小蟲四翅細腰一名白宿 **方言** 蜻蛚謂之蠓蛉 **古今注**

蜻蛚一名青亭色青而大者是也小而黃者曰胡離一名胡黎小而赤者曰赤

卒一名絳縹一名赤衣使者 **海錄作** 一名赤弁丈人紺蝶一名蜻蛉似蜻蛉而

色玄紺江東人呼為紺幡亦曰童幡亦曰天雞好以七月羣飛暗天海邊夷貊

食之謂海中青蝦化為之也 **陶隱居本草注** 蜻蛚一名諸乘有赤黑青黃不

同 **爾雅翼** 蜻蛚鄱陽人呼江雞 **物類志** 蜻蛚身綠色者雄腰碧色者雌

清異錄後唐宮人或網獲蜻蜓愛其翠薄遂以描金筆塗翅作小折枝花子金線籠養之爾後上元賣花者取象為之售於遊女

蠅附蠅虎

淮南子爛灰生蠅類從蠅生於灰蠅值水溺死以置灰中須臾即活方言

蠅東晉謂之羊陳楚之間謂之蠅塤雅蠅好交其前足有紋繩之象亦好交

其後足搖翅自扇故爾雅曰蠅醜扇也酉陽雜俎其類有蒼者聲雄壯負金

者聲清聒其聲在翼青者能敗物巨者頭如火赤頭者號為景跡塤雅青蠅

善亂色蒼蠅善亂聲青蠅首赤如火背若負金蒼蠅又其大者肌色正蒼今俗

謂之麻蠅酉陽雜俎大麻蠅茅根所化其色正蒼山堂肆考蒼蠅多生於

榆葉間卷葉作房久則小蟲蛻為蠅雜俎青蠅糞尤能敗物雖玉猶不免所

謂蠅糞點玉是也孔六帖段成式讀書有蠅隱字偶拂殺一取視之翼甚似

蠅冠甚似蜂山堂肆考山峽中有一種小黃蠅生毒蛇鱗甲中出嚙人初不

覺漸癢搔即為瘡事物紺珠狗蠅赤色似蒼蠅而扁冬藏狗耳齊東野語

狗蠅能治痘瘡危症白六帖苻堅將赦屏人作赦文有大蠅赤頭聲甚厲入

室驅之復來俄而人皆知有赦書於是詰其所得皆云有青衣童子呼於街中

堅曰是前青蠅也青陽記術士相郭代公若青蠅拜賀方能及第公疑之及

登科訖歸坐家庭有蠅作人行立約數萬折躬者三良久乃去玄怪錄毗陵

滕庭俊之洛調選暮宿一道旁在家有老父自稱麻大一時不見傍有大麻蠅

而已酉陽雜俎太和七年忽有蠅蔽天如蝗止三日河陽界經旬方散孔

六帖唐鄭注敗褚中藥化為蠅數萬飛去

蠅虎中華古今注蠅虎蠅狐也形似蜘蛛而色灰白善捕蠅一名蠅蝗一名

蠅虎子山堂肆考蠅虎一名蠅豹似蜘蛛而無網絡身黑色背邊有雙肉爪

攫蠅而食兩目似虎炯然有光淮南萬畢術以五月五日取蠅虎杵碎拌豆

豆自踴躍可以擊蠅杜陽雜編倭國人韓志和嘗於穆宗皇帝前懷中出一

桐木合子方數寸中有物名蠅虎子數不啻一二百焉其形皆赤云以丹砂嚼

之故也乃分為五隊令舞涼州上令召樂工以舉其曲而虎子盤旋宛轉無不

中節每遇致詞處則隱隱如蠅聲及曲終累累而退若有尊卑等級志和臂虎

子於上前獵蠅於數百步之內如鷄捕雀罕有不獲者

說文蠅蠃化飛蟲也博物志食桑者有緒而蛾凡蛾類皆先孕而後交蓋蛹

昆蟲類 蠅 蠅虎 蛾 螢

者蠶之所化蛾者蛹之所化也蛾一名羅蛹一名蠅鄭景璧劇談錄麥之為
 蛾乃自無知為有知一夕變化紛然如飛塵廣志有蠶蛾有天蛾凡草木蟲
 以蛹化為蛾甚眾古今注蛾似黃蝶而小其眉勾曲如畫故詩言蛾眉拾
 遺記燕昭王取綠桂之膏然以照夜忽有飛蛾銜火狀如丹雀來拂於桂膏之
 上此蛾出於員邱之穴憑氣飲露飛不集下羣仙殺此蛾合丹藥西王母與羣
 仙遊員邱之上聚神蛾以瓊筐蛾之使玉童負筐以遊四極來降燕庭出此蛾
 以示昭王王曰今乞此蛾以合九轉神丹王母弗與古今注飛蛾善拂燈一
 名火化一名慕光埤雅飛蛾一名文蛾丹鉛總錄俗傳燈蛾螢火所化故
 慕光事物紺珠飛蛾又名霜蛾俞成螢雪雜說落霞與孤鶩齊飛落霞者
 乃飛蛾也非雲霞之霞土人呼為霞蛾鶩者野鴨也野鴨飛逐蛾蟲而欲食之
 所以齊飛若雲霞則不能飛也見吳獬事始

記月令季夏之月腐草為螢格物總論螢是腐草及爛竹根所化初猶如如
 蟲腹下已有光數日便變而能飛生陰地池澤常在大暑前後飛出是得大暑
 之氣而化故如此明照也埤雅螢夜飛腹下有火秋陰數雨螢火夜飛之時

也今西北多螢大者如棗行而有光毛詩傳曰熠燿燐也燐螢火也先儒以
 老槐生火久血為燐燐非螢火誤矣蓋燐者火之微名故此兩者通謂之燐
 爾雅螢火一名即炤呂氏本草螢火一名夜照一名救火一名據火一名
 火古今注螢火一名耀夜一名輝夜一名景天一名熠燿一名燐一名丹
 一名夜光一名霄燭一名丹良腐草為之食蚊蚋錢氏詩話熠燿宵行
 行蟲名熠燿其光也如後章倉庚于飛熠燿其羽亦是此義不應指為蟲名
 大戴禮丹馬羞白鳥注丹鳥者丹良也凡有翼者為鳥青箱雜記夜遊女子
 螢火也此伏尸之精燒香辟之若入人家其色青者吉紅者有禍殃崇有
 螢無胃而育淮南萬畢術螢火却馬注取螢火裹以羊皮置土中馬見之
 却不敢行北史煬帝于景華宮徵求螢火得數斛夜出遊山而放之光徧
 谷拾遺記玉梁有螢火大如蜂聲如雀八翅六足成應元事統車盾好
 常聚螢光讀書時值風雨崩嘆曰天不遺我成其志業耶言訖有大螢傍書
 比常螢數倍讀書訖即去其來如風雨至七修類臺滌有魏生乘馬山行
 入於夜隱隱見前途一物如金鏡燿燿有光殆迫馬首由由然未去也意以
 崇舉鞭擊之應手墮地視之乃一大螢耳

蝙蝠

方言自關而東謂之服翼或謂之飛鼠或謂老鼠或謂仙鼠自關而西秦隴間謂蝙蝠北燕謂之蠟螟 李氏本草蝙蝠一曰天鼠 天中記仙經謂之芝 春秋運斗樞行失瑤光則伏翼兩頭並翔廣江淮山瀆之祠則瑤光明翼九足 事物紺珠蝙蝠如鼠肉翅晝伏夜動 異物志鼉蝨魚因風入而化為蝙蝠 變化自然論蝙蝠夜值庚申乃服 神異秘經百歲蝙蝠口上服人精氣以求長生至三百歲能化形為人飛遊於天 幽明錄南郡有物髡人髮太守朱誕令多置稿以塗壁夕有一蝙蝠大如雞集得去殺之乃絕觀屋檐下已有數百人頭髻 吳婁縣記太湖東邊三穴中有大蝙蝠如鳥拂救人火 臨海記黃石山泄水東南五乳穴中伏翼大如鴛鴨 玄中記百歲伏翼色赤止則倒懸千歲而食之使人神仙 抱朴子千歲蝙蝠色如白雪集則倒懸腦而陰乾米服之令人壽四萬歲 李白集余聞荊州玉泉寺近往往有乳窟窟中多玉泉交流中有白蝙蝠大如鷓鴣蓋飲乳 踪張果是混沌初分時白蝙蝠精 北戶錄紅蝙蝠出隴州

淺黑多雙伏紅蕉花間採者若獲其一則一去南人收為媚藥今媚藥載軟金鳥辟寒金龍子布穀脚脛骨鵲腦砂稜莖草芍草左行草獨未見綠紅蝙蝠處豈關載乎 拾遺記岱輿山有五色蝙蝠黃者無腸倒飛腹向天白者腦重頭垂自掛黑者如鳥至千歲形小如燕青者毛長二寸色翠赤者止於石穴 事物原始伏翼屎曰夜明砂

蟬

總論 禮記仲夏之月蟬始鳴 淮南子蟬無口而鳴飲而不食三十日而蛻 真珠船余觀蟬兩脇下有孔貫能振迅作聲謂以翼鳴非也 格物總論蟬皆乘昏夜方出土中升高處皆殼拆而所以夜出者一似畏人二畏日炙乾其殼而不能蛻也既登木而鳴但飲風露亦不糞溺至時寒又復隨地 王充論衡蟬蟪化為腹育腹育轉為蟬生兩翼不類蟬蟪 酉陽雜俎蟬未蛻時名腹育相傳言蛻蟪所化秀才韋翹莊在杜曲嘗冬中掘樹根見腹育附於朽處怪之村人言蟬固朽木所化也翹因剖一視之腹中猶實爛木 物類相感志稽聖賦岑根為蟬注抱朴子曰有自然之蟬有苻菜莖岑根上龍之屬皆化蟬今驗水澤巨樹處多水蟲登岸穴有裂化出為蟬也 傅肱蟹譜近青龍鎮居民

於江塗中得蟹螯踞俱脫其形自若及熟烹去殼則將化為蟬矣今觀蟬之首腹頗與蟹相類誠亦有是古今注牛亨問董仲舒曰蟬為齊女何也答曰昔齊王后怨王而死尸變為蟬登庭樹嚙啖而鳴故曰齊女陸雲寒蟬賦蟬有五德頭上有綫則其文也含氣飲露則其清也黍稷不享則其廉也處不居巢則其儉也應候守節則其信也研北雜志舊說閏年少蟬試之信然荀子耀蟬者務明其火振其木而已南人照蟬食歲時雜記都人上元作宜男蟬如蛾而大放懷集杜甫每朋友至引見妻子韋侍御見而退使其婦送夜飛蟬以助粧飾清異錄唐世京城遊于夏日採蟬貨之唱曰只賣青林樂婦妾小兒爭買以籠懸窗戶間亦有驗其聲長短為勝負者謂之仙蟲社搜神記淮南內史朱誕給使妻有鬼病夫疑為奸密闕見婦在機中織望桑樹上笑見樹上有十四五小兒衣青布裙青縵頭乃射之化為鳴蟬其大如翼飛去本草蟬蛻一名金牛兒

詳類

爾雅塘蜩注俗呼為胡蟬江南謂之塘蟻

夏小正蠶之興五日翕望

乃伏注蠶塘蜩也不知其生不知其死故曰與曰伏

埤雅塘一名蠶其首方廣有冠似蟬而小鳴聲清亮一名塘蟻

爾雅蜩蜩注

爾雅蜩蜩注

五彩具

方言蟬謂之蜩宋衛之間謂之蟬蜩陳鄭之間謂之蜩蜩秦晉之間謂之蟬海岱之間謂之蜩

蟬亦蟬之一種形大而黑昔人啖之禮有雀鷄蜩范是也一名蟬謂其化蛻而

禪故曰蟬亦其通名七修類書蜩蟬之大而黑色者蜩蛻殼而成雄者能鳴

雌者無聲今俗稱知蜩是也爾雅蜩馬蜩注蜩中最大者為馬蜩

馬蜩五月鳴爾雅蜩馬蜩注江東呼為茅蠶似蟬而小青色

之茅蜩正字通茅蜩分青紅二種在茅管中亦五月時鳴

蟬生嶺南茅根上如蟬兩兩相向翼俱全頭有冠如燈花三四月採取腹內如

濕粉有便為蟬取帶令夫妻相愛爾雅蜩蜩注如蟬而小

一名虎懸方言其小者謂之麥札音有文者謂之蜻蜻其雌謂之足大而黑

者謂之蜩音正字通蜩即蜩也鄭注蜩音蟬似蜻蜩鳴無韻但扎扎然

雅一種似蟬而小綠色北人謂之蜩額廣且深即詩所謂蜩首蛾眉是也

物紺珠音蟬母似螻而細二月鳴爾雅蜩蜩注即蜩蟬也一名蜩蜩

方言齊謂之蜩蜩楚謂之蜩蜩秦謂之蜩蜩自關而東謂之蜩蜩

蜩或謂之蜩蜩格物論蜩蜩小而紫色四五月鳴

埤雅蜩蜩夏蟬也是

故不知春秋按離騷曰螻蛄鳴兮秋秋歲暮兮不自聊則螻蛄亦秋蟬矣一曰春生者死於夏夏生者死於秋故曰不知春秋也按風土記曰螻蛄鳴於朝寒蟬鳴於夕則寒蟬蟻蛄又為兩物月令寒蟬鳴鄭注即寒蟬爾雅蝮寒蟬注寒蟬也似蟬而小青色蔡邕月令鳴則天涼故謂之寒蟬坤雅寒蟬一名寒蟬其生拆裂母背方言曰黑而赤者謂之蝮又曰螻蛄謂之寒蟬寒蟬瘡痲也即今啞蟬啞蟬初瘡及得寒露冷風乃鳴故芻蕘論云秋風至而寒蟬吟正謂此也然則方言原其始故謂之瘡蟬今雌蟬亦啞陶隱居所謂啞蟬雌蟬也不能鳴者然與寒蟬初瘡又異矣格物論寒蟬黑而偃偻九月十月鳴甚悽急七修類稿鳴於秋者曰寒蟬即楚辭所謂寒蟬也今秋初夕陽之際小而綠色聲急疾者俗稱都了是也雷青日札芻蕘論云秋風至而寒蟬吟俗作蜘蛛非也形小而青綠色聲接續而急疾多為水中黑殼蟲所化俗名蝦蟇蟲乃蜻蜓以尾點水生子水草上而青鮪食之腹脹孕蟲啞破母腹而出身似蟬而小及蝮乃為蟬也蜀中方物記蟬花出蜀中其蟬額上有一角如花冠狀謂之蟬花二川山林中皆有之蟬不蝮者至秋則花其頭長一二寸黃碧色

格致鏡原卷九十六終

格致鏡原卷九十七

昆蟲類二

蚊附子子 焦冥 蟻 蚊

說文蠶人飛蟲以昏時出也秦晉謂之螞楚謂之蚊市於朝蚊成事於暮傳曰聚蠶成雷謂其市之時也爾雅註爾雅註鴝蚊母鳥也黃白雜文鳴如鴝聲此鳥常吐蚊因名本草塞北有蚊母草葉中有血蟲化為蚊嶺南異物志嶺表有樹如冬青實生枝間形如枇杷子每熟即拆裂蚊子羣飛唯皮殼而已土人謂之蚊子樹金樓子白鳥蚊也齊桓卧柏寢謂仲父曰白鳥營營是必饑耳因開翠紗厨進之梵書蚊蚋小蟲之屬名曰諸趣古今注河內人呼蚊蚋為黍民內典比上患草蟲佛聽作佛子注草蟲昏蟲也又曰門下蟲東方朔傳郭舍人曰客從東方來歌謠且行不從門入踰牆垣游戲中庭一人殿堂擊之桓桓死者攘攘格鬪而死生人被創是何物也朔曰長喙細身晝亡夜存嗜肉惡燈為掌指所捫臣朔愚戇名之曰蚊窮常復脫禪埤雅蚊性惡烟以艾熏之則潰長喙如針善螫今舍人辭於既秋燕山錄煮羊以繩煮鼈以蚊錄異記含毒者蚊蚋之屬江嶺間有

各文竟原

卷九十七

昆蟲類

蚊

子子

焦冥

蟻

之柳連界尤甚為客中者慎勿以手搔之但布鹽於上以物封裏半日間毒則

解矣若以手搔癢不可止皮穿肉穴其毒彌甚相銜北間有之其毒稍可

苑詳註湖州多蚊其中有豹脚者尤毒事物紀原珠豹脚黑花蚊金幼攷北

征錄元故都處有蚊如蜻蝶

子子爾雅注蝓蠖井中小蝓蠖赤蟲一名子子淮南子子子為蠹注倒跋

虫也蠹即蚊也爾雅翼子子足如縷長一二分生灣水中好屈伸水上見人

泳去久則蛻為蚊五雜俎子子今雨水中小蟲也其形短而屈羣浮水面見

人則沈其行一曲一直若無臂然故名之子無右臂也子無左臂也一作子子

音吉或作蝓蠖稍久則浮水上而為蚊矣

魚冥晏子東海有蟲巢于蠹睫再乳再飛而蠹不為驚東海漁者命曰魚冥

列子江浦之間生廢蠹其名曰魚冥羣飛而集於蚊睫弗相觸也棲宿去來

蚊弗覺也

蟻蝶神異經南方有蚊翼下有蜚蟲焉目明者見之每生九卵復未嘗有蠖

復成九子蜚而俱去蚊遂不知亦食人及百獸食者此蟲既細小因曰細蠖

陳章對齊桓公小蟲是也此蟲長春生以季夏藏于鹿耳中名嬰媿亦細小也

列子蟻蝶生于朽木之上埤雅小蟲似蝓亂飛者也一名醯雞列子曰醯

雞生于酒又曰食醯醢酪生乎食醯黃軟食醯醢酪即蠖是也郭璞曰蠖飛磴

則天風春則天雨言蠖蝶將風則飛飛如磴一上一下如春則雨矣然其圖贊

又曰風春雨磴二說不同山堂肆考醯雞一名蠖

蚋列子蚋因雨而生見陽而死埤雅蚋喜亂飛似蚊而小望之如霧荀子

所謂醢酸而蚋聚者也因雨而生與蚊實異一名督芮元稹長慶集蚋之小

而黑者名蠖子微不可見與塵相浮上下者名浮塵子皆伏巴蛇鱗中能透衣

入人膚成瘡毒搗樹葉汁傳之瘥錄異記蛟江至蜀有蠖子色黑亦能咬人

毒亦不甚視其生處即麩鹽樹葉背上春間生之葉卷成窠大如桃李名為五

倍子治一切瘡毒收者曬而殺之即不化去不然者必竅穴而出飛為蠖子矣

黔南界道微塵色白甚小視之不見能晝夜害人雖幃帳深密亦不可斷以麤

茶燒之烟如焚香狀即可斷之又如席鋪油帔隔之稍可滅溪蠻叢笑蠻地

有蟲極細拭目難覩黑點著身抓搔不可耐名雞末子

山堂肆考蠹有數種皆能啖牛馬血木蠹最大而綠色今呼為王蠹又呼為舍

命王蜚蝥狀如蜜蜂黑色又一種小蝥名鹿蝥大如蠅或云木蝥無子一名魂常爾雅翼大曰蝥小曰蠶集異志晉惠帝元康中洛陽南山有蝥作聲曰韓尸尸長慶集巴蜀春秋間常雨五六月至八九月道路多蝥羣飛蝥人北征錄北鹵長樂鎮草間有蝥大者如蜻蜒拂人面嘍嘍西陽雜俎水蛆南中水溪澗中多此蝥長寸餘色黑夏深變為蝥螫人甚毒

蝥附蝥

總論

說文蝥蠶人蟲也蟣蝥子也李商隱蝥賦亦氣而孕亦卵而成晨鷺朝鶴不知其生汝職惟蝥而不善蝥回臭而多跖香而絕阮籍大人先生傳獨不見羣蝥之處禪中逃乎深縫匿乎壞絮自以為苦宅也行不敢離縫際動不敢出禪襠自以為得繩墨也問答錄東坡間居日與秦少游夜宴坡因捫得蝥乃曰此是垢膩所生秦少游曰不然綿絮成耳相辨久而不決相謂曰明日質疑佛印及酒散少游竟往叩門謂佛印曰適與坡會因辨蝥之所由生吾師明日可答生自綿絮容勝後當作蝥暗既暗會既去坡復至以前事言之今答以虱本生於垢膩許作冷淘明日果會佛印曰此易曉耳乃垢膩為身絮毛為脚先喫冷淘後喫飯既二公大笑具宴為樂潛確類書蝥一名丹鴻南

楚新聞唐司空李蟻始名虱赴舉之秋偶自題名於屋壁經宵忽覩名上為人添一畫乃成虱字矣蟻曰虱者蟻也遂改名蟻明年果登第山堂肆考宋道君北狩至五國城衣上見蝥呼為琵琶蝥以其形類琵琶也墨客揮犀正荆公入朝虱緣鬚上王頤而笑朝退王禹王戲曰屢游相鬚曾經御覽談苑虱不南行陰類也其性畏火置之物上隨其所向以指南方俄即避之若有知也

西陽雜俎取病者虱于牀前可以卜病將瘥虱行向病者背則死邵氏錄呂晉伯云除虱法吸北方之氣噴筆端書欽深淵默漆五字置之牀帳之間即盡除呂公正直非妄者五雜俎治頭虱者以水銀揉髮中其大要在掃灑沐浴而已久病者忽無蝥必死其氣冷也千金方有人齧蝥在腹中生長為瘕能斃人用敗篋敗梳各一半燒末一半煮汁調服蝥从下部出西陽雜俎舊說虱蝥飲赤龍所浴水則愈蝥惡水銀人有病蝥者雖香衣沐浴不能已惟水銀可去之道士崔白言荊州秀才張告嘗捫得兩頭虱又有草生山足濕處葉如百合對葉獨莖莖微赤高一二尺名虱建草能去蟣虱蟣史蝥最忌水銀銀珠以二物熏之絕跡雞肋編汝陰尉李仲舒漢臣山陽人平生戒殺置蝥於綿絮骨筒中久亦饑死有人教故青葉草上經宿沾霧則為青蝥飛去祖之

信然皆折背而化

鄭榮傳信記

無畏三藏飲酒食肉言行羸易律師不說嘗

令宿於戶外律師中夜捫蝨投牀下無畏即呼曰撲殺佛子律師異之

清異

志 湯州蘇隱夜卧聞被下有數人齊念阿房宮賦聲急而小急開被視之無他

物惟得蝨十餘其大如豆殺之即止 **列子** 紀昌學射于飛衛以蒼懸虱於牖

南面而望之旬月之間浸大也三年之後如車輪焉乃以燕角之弧朔蓬之箭

射之貫蝨之心而懸不絕飛衛曰汝得之矣 **韓子** 三虱在豕上相與語一虱

曰奚說一虱曰爭肥饒者又一虱答曰肥豕不度臘相與聚食其瘦者人乃不

殺也

詳類

抱朴子

頭蝨著身皆稍變而白身蝨處頭皆漸化而黑

莊子 濡需者

豕蝨是也擇疏鬣自以為廣宮大囿奎蹄曲隈乳間股脚自以為安室利處不

知屠者之一旦鼓臂布草操烟火而已與豕俱焦也 **蟬史** 醫家取水牛蝨發

腕豈瘡又韓詩胡麻撮狗蝨蓋以胡麻似狗蝨也雞蝨極細難見人呼為雞翕

蟲伏雌夏月多有之

五雜俎 閩有龍蝨者飛水田中與竈蟲分毫無別 **泉**

南雜志龍虱如牛糞上蟲似黑而薄劈殼食之小有風味 **五雜俎** 壁虱閩中

謂之木虱多杉木中所生治者以麥藁燒灰水淋之江南壁虱多生木中惟延

綏生土中遍地皆是也入夜則緣牀入幙嗜人遍體成瘡雖徙至廣庭懸牀空

中亦自空飛至南人至其地輒宛轉呼號不可耐無計以除之也 **事物紺珠**

壁虱一名壁施扁小褐色歿而齧人 **山堂肆考** 身扁而臭不能跳善齧人者

名曰交蚤又名扁蝨 **錄異記** 壁虱者土蟲之類化生壁間暑月齧人其瘡雖

愈每年及期必發數年之後其毒方盡其狀與牛虱無異北都廐中之馬忽相

次瘦劣致斃所損日甚莫知其疾之由掌廐獲罪者已數人有一裨將幹敏多

識俛其掌廐馬旬月之後馬之瘦斃如故乃明燭以守之二鼓後馬皆立不食

黑者變白白者變黑東燭以視諸馬之上有物拊之不可勝數乃壁虱也五鼓

後壁虱皆去一道如繩連亘不絕翌日尋其去蹤于樓中得巨穴焉以湯灌之

得壁虱死者數十斛穴中大者數尺形如琵琶金色焚而殺之築塞其處其患

乃絕

七修類

山西按察司去城不遠城外有中官之莊成化間看莊者每

黃昏昧爽之時見一物如小輪困狀暮飛入城司獄司中晨則飛過莊山之後

不知所向一日特蹤跡其處見山穴中壁虱盈穴可三五石意虱不能飛也且

殺之以試遂以沸湯灌死晚則輪困之物無矣始信其虱之飛入獄中以咀人

日則潛形山中也予嘗以北京多虱畏之者以牀置室中央水春戴其足虱不

能至矣然猶羣聚於梁以下之觀此則入獄之事有之矣況物衆有神是亦可以飛也

錄異記譚袁處吉等州有沙虱即毒蛇甲中蟲也細不可見夏月施為蝨所苦倒掛身于江灘急流水處刷其虱或卧沙中碾虱入沙行人中之所咬處如針孔粟粒四面有五色文即其毒也得術士禁之乃剝其少許肉因以生肌膏救治之即愈不爾兩三日內即死一名蝨蟹

淮南萬畢術沙虱一名蓬活一名地肺 **本草經**沙虱一名石蠶 **抱朴子**沙虱雨後及晨暮踐沙必著人如毛端初著人便入皮裏可以針挑取之色正赤如丹如不挑便行入身中殺人行此蟲之地每還當以火自灰令徧則蟲隨火去也水陸皆有之

事物紺珠竹虱初如粉塗竹葉上久乃能動百十為曹 **蟬史**竹虱如人虱而白色多生桃紫竹上其屎成團如粟餘懸竹籬間人取而洗烹而食之甚益人

蟬史水虱一名魚虱似人虱而大長寸許生水中能化蜻蛉 **六書故**扁蟲著牛馬食其血產薦薦間者差小嗜人膚俗謂薦蠅亦曰莢虱

山堂肆考蚤齧人蟲也黑色善跳俗云蚤生積灰亦有雌雄雄小雌大俗呼為虎蚤或曰布谷鳥所吐如蚊母之吐蚊也故三月蚤多至四五月漸衰 **格物總論**蚤出於塵土間或以為蟻化 **五雜俎**治蚤者以桃葉煎湯澆之蚤

盡死 **聞見錄**以芸香置席下即去蚤 **草木子**蚤虱至微也天地生之以食人

蠹

格物總論蠹食木蟲又一種曰蟬衣書中蠹蟲 **爾雅疏**衣書中蟲一名蟬一名白魚一名炳魚不草謂之衣魚是也 **酉陽雜俎**壁魚補闕張周封言嘗見壁上白瓜子化為白魚因知列子言朽瓜為魚之義 **北夢瑣言**唐張楨子少年聞說壁魚入道經函中因蠹食神仙字身有五色八能取壁魚吞之以致神仙而上昇張子惑之乃書神仙字碎翦入于餅中捉壁魚以投之冀其蠹蝕亦欲吞之遂成心疾 **原化記**建中末書生何諷嘗買得黃紙古書一卷讀之卷中得髮捲規四寸如環無端諷因絕之斷處兩頭滴水升餘燒之作髮氣諷嘗言於道者道者曰據仙經云蠹魚三食神仙字則化為此物名曰脉望夜以規映當天中星使立降可求還丹取此水和而服之即時換骨上昇因取古書閱之數處蠹漏尋義讀之皆神仙字諷方嘆伏 **漢書**文帝賜尉佗書衣物佗因使者獻桂蠹一器 **注**應劭曰桂樹中蝎蟲也師古曰此蟲食桂故味辛而漬之以蜜食之也 **大業拾遺錄**桂蠹紫色香辛有味噉之去陰疫之疾 **花木考**

桂蠹形如新生小鼠產于桂樹偷食蜂蜜人以入口即化為蜜甘香甚奇

龜蒙蠹化橘之蠹大如小指首負特角身覺覺然類蝥蟻而青翳葉仰齧與饑

蠶之速不相上下人或振觸之輒奮角而怒

柘蠹糞破血桐蠹亦可入藥

虫生蓼枝中黃身黑嘴作羊羶氣形似螟

則齧聲刮刮通昔攬人眼

起時則悉脫殼生翅如慰飛出

放絲連綴小石如繭春夏羽化作小蛾水上飛名石蠹蟲一名石下新婦

禮勇氏掌除蠹物以攻榮攻之以莽草熏之

廚篋中辟蟲蛀七月七日收角蒿置羶褥書籍中可辟蛀九月九日收茱萸撒

置廚篋中亦可辟蛀青蒿子採置應切盛貯器物中極能辟蛀樟腦燒燻衣篋

簟席之類可去壁虱蛀蟲

蠹

爾雅疏蝮一名毛蠹即蠹也說文云蠹毛蟲今俗呼為毛蠹有毒螫人

雨航

雜錄載者螫人蟲也身扁綠色似蠶而短無足有毛

背不知者輒為所刺故名林蠹

吐汁自裹久漸堅凝如巴豆大就其中作蛹謂之站蜥房

屬也今青州人呼為站蜥

作繭形如甕俗呼雀癩聲相近也生石榴樹者名天漿子天漿乃甜榴名也生

棘枝上者名棘剛子一名躁舍

蠹

詩義疏蠹一名杜伯幽州謂之蠹常為蝸牛所食以迹規之不能去人以氣呵

之亦不能動

蠹毒在尾

記潤洲金壇縣火厯中有北人為主簿以竹筒齋蠹十餘枚置於廳事之樹後

遂孳育至百餘枚為土氣所蒸而不能螫人南民不識呼為主簿蟲

所螫蠹前謂之螫後謂之蠹

五雜組蠹孕子在背長則剖背出而母死此亦

所螫蠹前謂之螫後謂之蠹

五雜組蠹孕子在背長則剖背出而母死此亦

所螫蠹前謂之螫後謂之蠹

所螫蠹前謂之螫後謂之蠹

所螫蠹前謂之螫後謂之蠹

所螫蠹前謂之螫後謂之蠹

所螫蠹前謂之螫後謂之蠹

所螫蠹前謂之螫後謂之蠹

所螫蠹前謂之螫後謂之蠹

所螫蠹前謂之螫後謂之蠹

梟破鏡之類也 搜神記安陽城南有亭宿者輒死有書生入亭宿明掘得老

蠍大如琵琶毒長數尺亭遂安靜 鄰幾雜誌都下弄蠍尾有五毒者三毒者

云城西剝馬務蠍食馬血尤毒屢有螫死者 五雜俎蠍雙尾者殺人余初捕

得蠍輒斬其尾縱之後以語人一客曰若斷尾復出即成雙尾害不淺矣後乃

殺之 潛確類書蜥蜴能食蠍故蜥蜴一名蠍虎 方書中蠍螫者以蝸涎塗

之或以本梳合之痛立止 本草陶隱居曰蠍有雌雄雄者螫人痛止一處雌

者痛牽諸處雄用井泥傅之雌用瓦屋溝上泥傅之 五雜俎京師多蠍近來

不甚復見惟山東平陰陽穀等處最多遇其螫時發巨石下動得數斗小民亦

有取以為膳者相傳為蠍螫者忍痛問人曰吾為蠍螫奈何答曰尋愈矣便即

豁然若叫號則愈痛一晝夜始止關中有天茄可治蠍毒 養疴漫筆耳暴聾

者用全蠍去毒為末酒調滴耳中聞水聲即愈

廣雅 螂蛆蜈蚣也 埤雅 蜈蚣性能制蛇卒見大蛇便緣而啖其腦莊子曰螂

蛆甘帶是也今俗謂之百足舊說蟾蜍食螂蛆螂蛆食蛇蛇食蟾蜍三物相值

莫敢先動是亦騎虎之義不得下也 墨子 百足之蟲三斷不蹶 物類相感

志 蛇虺見螂蛆而蟠伏螂蛆當其前似施禁法蛇即為之開口螂蛆入食其腸

復穴其旁而出 抱朴子 南人入山皆以竹管盛活蜈蚣蜈蚣知有蛇之地便

動作於管中如此則草中便有蛇也蜈蚣見蛇能以氣禁之蛇即死 三教珠

英蜈蚣禁蛇蓋土勝水也 酉陽雜俎 綬縣多蜈蚣大者能以氣吸兔小者吸

蜥蜴相去三四尺骨肉自消 通志 蜈蚣制蛇而畏蚯蚓每遇蚯蚓即不敢動

蚯蚓以涎繞其足盡落 本草 蜈蚣畏蛤蜊不敢過所行之路觸其身則蜈蚣

死 鐵圍山叢談 嶠嶺多蜈蚣動長二三尺螫人求死不得然獨畏托胎蟲此

蟲多延行并幹牆壁上蜈蚣雖大偶從下過托胎蟲必自落於地蜈蚣為拘縮

不得行托胎蟲乃徐徐圍繞周匝蜈蚣愈縮然後登其首陷腦而食之以故人

遭蜈蚣害者必取托胎蟲涎或生擣塗痛立止 南越志 蜈蚣大者其皮可以

鞞鼓取其肉曝為脯美于牛肉又云大者丈餘能啖牛里人或遇之則鳴鼓然

火炬以驅逐之 葛洪賦 蜈蚣大者長百步頭如車箱層裂取肉白如瓠 嶺

南異物志 珠崖人每晴明見海中遠山羅列如翠屏而東西不定悉蜈蚣也 臨海異物志

晉安東南吳嶼山蜈蚣千萬積聚或云長丈餘者以作脯味似大 鮫

紀聞 唐杜暲使嶺南至康州見蜈蚣大如箏天寶四載廣州因海潮浮一

蜈蚣死割其爪得肉一百二十筋續博物志李勉在汴州得異骨一節可為
硯云是蜈蚣脊骨夷堅續志柳州種甘棠有光夜出柱上蠹穴中滿堂如月
太守知異物集吏卒碎柱乃大蜈蚣長亘柱腦中得珠大如鶯卵圓瑩光彩
五雜俎蜈蚣長一尺以上者則能飛龍畏之故常為雷擊一云龍欲取其珠也
余親見人懸食器於空中者去地七尺許一大蜈蚣盤旋窺伺無如之何良久
於地下作勢頭尾相就如彎弓狀一奮擲而上即入器中矣

蟻

洪範五行傳蟻射人者也生於南越地南方謂之短狐者也詩義疏蟻一名
射影江淮水濱皆有之人在岸上影見水中投人影則殺之故曰射影也南方
人將入水先以瓦石投水中令水濁然後入或曰含細沙射人入人肌其瘡如
疥埤雅蟻似鼈三足含水射人一曰含沙射人之影其瘡如疥一名射工一
名溪毒有長角橫在口前如弩檐臨其角端曲如上弩以氣為矢因水勢以射
人故俗呼水弩春秋曰秋有蟻即此是也然畏鶯鶯能食之蟻之為言惑也字
說曰蟻不可得也故或之今蟻蝮溺人之影亦是類爾錄異記水弩之蟲狀
如蜚螋黑色八足鉗曳其尾長三四寸尾即弩也常自四月一日上弩至八月

卸之時彎其尾自背而上於頭前以鉗執之見人影則射中影之處人身隨有
遼瘡大小與沙虱之毒同矣速須禁氣制之剗去毒肉固保其命不爾一兩日
死矣博物志江南山谿中有射人蟲長一二寸口中有弩形氣射人影隨所
著處發瘡不治則死或曰以雞腸草搗塗經日即愈說楛蟻一名射工鶯鶯
鶯鶯蟾蜍悉食之山堂肆考蟻一名水鏡小史集雅蟻無目感應經南

越夷狄男女同川而浴淫以女為主故多蟻蟻者淫女惑亂之氣所生竹書
紀年周惠王二年王子頽亂王出居鄭鄭人入王府多取玉玉化為蟻射人
蛭附度古

爾雅疏蛭水中蟲善入人肉者江東呼為蠟本草謂之水蛭一名馬蜃一名馬
者即玉食寒殖得而吞之能去結積者是也本草蛭一名蛟畏石灰生水中
者名水蛭亦名馬蟻生石中者名石蛭生草中及泥中者名草蛭泥蛭並能著
人及牛馬身上齧啣其血甚者入肉中產育為害大者長尺餘人呼為牛馬蟻
人觸之縮如拳頃之引伸而縱如蚯蚓也此物極難死火炙後經年得水猶能
活事物原始有四翼者名曰蜚蛭本草汴人謂大者為馬鼈腹黃者為馬
蟻物理小識馬蟻燒成灰以碗覆之於地過一夜復生事物紺珠飛馬蟻

生蜀貴深山林木中大四五寸飛著人即穿衣絮入皮中啞血人不知痛及知已大如筋甚為害惟觸青衣則落地事物紺珠爛黃細而長入人肉摘之輒斷鄭元祐遂昌雜錄馮士啟嘗言在八蕃時乘驛向某所夜月微明睹一物如小屋大袞入江水腥風臭浪襲人三更後至前驛驛吏出迎錯愕曰是何大膽敢越馬絆來乎士啟問馬絆何物驛吏言乃馬黃精也過之者輒為其所啗度古酉陽雜俎度古似書帶色類蚓長一尺許首如鐘背上有黑黃欄稍觸則斷常趁蚓蚓不復動乃上蚓掩之良久蚓化唯腹泥如涎有毒雞食輒死俗呼土蠱

蝟

埤雅蝟可以治胃疾狀似鼠性極驚鈍物少犯近則毛刺攢起如矢爾雅所謂彙毛刺者即此也見鵲則仰腹受啄中其矢輒爛酉陽雜俎蝟見虎則跳入虎耳潛確類書蝟似鼠而毛刺大者如小狍小者如瓜腳短尾長寸餘蒼白色見人則藏面腹下員輒如栗房攢毛外刺刺端分兩岐不可搏執語云蝟毛而起即此也能治金瘡毒說海福清縣有訟金蠶毒者縣官求治不得蹤或獻謀取兩刺蝟入捕必獲矣蓋金蠶畏蝟蝟入其家金蠶則不敢動雖匿榻下

牆鱗竟為兩蝟擒出之炙穀子刺端分兩岐者蝟如棘針者蝟物類志蝟毛順者雄逆者雌徐兢使高麗錄麗俗謂刺蝟毛為苦苦埤雅蝟皮能整紕類染師用之刷紕物埤雅蝟膽甘尚書故實京國頃歲街陌中有聚觀戲場者詢之乃二刺蝟對打令既合節奏又中章程紀聞屈突仲任性好殺所居弓箭羅網又彈滿屋焉殺害飛走不可勝數目之所見無得全者乃至得刺蝟亦以泥裹而燒之且熟除去其泥而蝟皮與刺皆隨泥而脫矣則取肉而食之

蝗附草蟲 阜蟲 蝻斯

說文蝗蟲也一名蝻一名蝻禮記孟夏行春令則蝗蟲為災洪範五行傳介蟲有甲能蜚揚之類陽氣所生於春秋為蝻今謂之蝗皆其類也旱氣動象至矣酉陽雜俎荆州有帛師號法通本安西人謂蝗蟲腹下有梵字或自天下來者及叨利天梵天來西域驗其字作本天壇法讓之今蝗蟲首有王字固是可曉或言魚子變近之矣舊言蟲食穀者部吏所致侵漁百姓則蟲食穀蟲身黑頭赤武官也頭黑身赤儒吏也埤雅蝗即魚卵所化春魚遺子如粟埋於泥中明年水及故岸則皆化而為魚如遇乾旱水縮不及故岸則其子久閣

頭身長而細耳或說云蝥蝻蝻食苗根為人害許慎云吏冥人犯法即生蝥吏乞貸則生蝥吏抵冒取人財則生蝥舊說云螟螣蝥賊一種蝥也如言冠賊奸宄內外言之耳故捷為文學曰此四種蝥皆蝗也實不同故分釋之

草蝥 爾雅疏草蝥一名負蝥一名常羊 詩疏草蝥常羊也大小長短如蝗

奇音青色好在茅草中

阜蝥 埤雅阜蝥今謂之蝥蝻亦跳亦飛不能遠青色爾雅曰阜蝥蝥草蝥

負蝥蝥草蝥鳴阜蝥躍而從之故阜蝥曰蝥蝥蝥謂之負蝥也蝥蝻一名蝥蝻

蝥蝻長瘦善跳言窄而猛也 物類相感志 阜蝥如蝗蝥江東人呼為蚱蜢與

蝥蝻雖異類而為雌雄蝥蝻鳴則阜蝥跳躍五月五日伺其偶合收而佩之令

人相愛 爾雅疏土蝥一名壤溪今謂之土蝥江南呼蚱蜢又名蚱蜢似蝗細

小善跳者是也 拾遺記 石蠲形如蚱蜢而小身長兩股如蠲在草頭能飛蝥

之類也與蝥蝻交

蝥斯 埤雅蝥斯蝥之不如忌一母百子者也故詩以為子孫衆多之况 邢

疏 蝥蝥周南作蝥斯七月作斯蝥惟字與文倒其實一也一名蝥蝻一名蝥蝻

名蝥蝻陸機云幽州人謂之蝥算蝥算即蝥黍蝗類也長而青長角長股股

鳴者也或謂似蝗而小斑黑其股似瑇瑁又五月中以兩股相切作聲聞數十步者是也蝥蝥一名溪蚱形似蝥蝻而細長飛翅作聲者是也

格致鏡原卷九十七終

格致鏡原卷九十八

昆蟲類三

蟋蟀 附絡緯 龜馬 油葫蘆

禮記季夏之月蟋蟀居壁

陸璣詩疏蟋蟀似蝗而小正黑有光澤如漆有角

翅一名蛩一名蜻蛚楚人謂之王孫幽州人謂之趣織督促之言也里語曰趨

織鳴懶婦驚是也

古今注蟋蟀一名吟蛩秋初生得寒則鳴一云濟南呼為

懶婦

埤雅促織一名投機謂其聲如急織也

清異錄漢龍驤子名印諱之

呼蛩曰秋風又今人呼蛩為莎亭部落

詩義問蟋蟀食蠅而化 搜神記朽

葦為蛩

高僧傳道貴聞蟋蟀曰時聞此聲足代簫管

天寶遺事蟋蟀每至

秋時宮中妃妾輩皆以小金籠捉蟋蟀閉於籠中置之枕函畔夜聽其聲庶民

之家皆效之也

賈似道蟋蟀論煖則在郊寒則附人似識時者拂其首則尾

應之拂其尾則首應之似解人意者合類頡頏以決勝負英猛之氣甚可觀也

五雜組

三吳有鬪促織之戲鬪之有場盛之有器必大小相配兩家審視數

四然後登場決賭左右袒者各從其耦其賭在高架之上只為首二人得見勝

負其為耦者仰望而已未得一寓目而輸直至於千百不悔甚可笑也 賈似

道促織經生於草上者其身軟生於磚石者其體剛生於淺草瘠土磚石深坑向陽之地者其性劣其色白不如黑黑不如赤赤不如黃黃不如青其形有白麻頭青項金翅金銀絲額上也黃麻頭次也紫金黑色又其次也以頭項肥脚腿長身背潤者為上頭尖項緊脚瘦腿薄者為下其病有四一仰頭二捲鬚三練牙四踢腿若犯其一皆不可用若兩尾高低兩尾垂萎並是老朽亡可立待也其名有白牙青拖肚黃紅頭紫狗蠅黃錦蓑衣肉鋤頭金束帶齊齋翅梅花翅琵琶翅青金翅紫金翅烏頭金翅油紙燈三段錦紅鈴月額頭香色膈鈴之類養法用鰕魚菱肉蘆根蟲斷節蟲扁擔蟲煮熟栗子黃米飯醫法嚼牙銀帶血蚊蟲內熱用荳芽尖葉落胎糞結用蝦婆頭昏川芎搽浴咬傷用童便蚘蚘糞調和點其瘡口

五雜俎促織惟雌者有文采能鳴健鬪雄者反是以立秋後取之飼以黃荳糜至白露則夜鳴求偶然後以雄者進不當意輒咋殺之次日又以一雄進又皆咋殺之則為將軍矣咋殺三雄則為大將軍持以決鬪所向無前又某家有大將軍則眾相戒莫敢與鬪乃以厚價潛售它邑人其大將軍鬪止以股一踢之遠去尺許無不糜爛或當腰咬斷不須鬪也大將軍死以金棺盛之以銀瘞於原得之所則次年復有此種不則無矣凡促織與蜈蚣共

穴者必健而善鬪吳中人多能辨之

虎苑吳俗好鬪蟋蟀用黃金花馬為注

里人張生為之屢負禱于玄壇夜夢神云遣吾虎助爾在北寺門下張覺往尋之獲黑蟋蟀甚大每鬪輒勝獲利甚豐久之乃死

絡緯

埤雅絡緯雄鳴于上風雌鳴于下風而風化

古今注莎雞有青褐兩種一名梭雞一名絡緯以其聲如紡績織緯也一名促寒娘

兼明書莎雞狀如蚱蜢頭小而身大色青而有鬚其羽晝合不鳴夜則氣從背出吹其羽振振然其聲有上有下正似緯車故今人呼為絡緯者是也

埤雅莎雞小蟲黑身赤首一名樗雞一名天雞草木疏云如蝗斑色毛翅數重其翅正赤六月中飛而振羽索索作聲幽州人謂之蒲錯

竈馬西陽雜俎竈馬狀如促織稍大脚長好穴於竈側俗言竈有馬足食之兆

山堂肆考竈蟲好穴於竈側一名竈馬一名竈雞形類促織而身軟長鬚兩股能跳食鍋中餘沫促織則有翼而黑色性剛善鬪竈雞則無翼而褐色身弱而易死其聲亦曰織織

油葫蘆事物紺珠油葫蘆如促織而三尾不鳴不鬪

螻蛄

禮月令孟夏之月螻蟈鳴注螻蟈也注螻蟈也四月陰氣始動于下故二物應之而鳴也

爾雅螻蟈注螻蟈類疏按方言蛄者謂之杜略音蛄蟈謂之

蛄或謂之蟈蛤南楚謂之杜狗或謂之蛄蛄埤雅蛄蛄臭蟲一名蟈孫炎

爾雅正義以為蟈是雄者喜鳴善飛雌者腹大羽小不能飛翔食風與土要以

前甚溢要以後甚利爾雅疏蟈一名天蛄一名碩鼠即今之蛄蛄也廣志

蛄蛄會稽謂之蛄蛄通雅蛄蛄乃土狗好攻土夜飛傳火本草蛄蛄夜出

求含燈火而走俗呼為偷火蟲席上腐談按月令蛄蟈鳴蛄蛄出蓋蛄蛄與

蛄蛄同處鳴者蛄蛄非蛄蛄也故諺云蛄蛄叫得腸斷曲蟻乃得歌名河圖

黃帝起有大蛄蛄見劉向別錄鄒衍言黃帝土德有蛄蛄如牛搜神記音盧

陵太守龐企自云其祖坐繫獄忽見蛄蛄行其左右因謂曰爾有神能活我死

否因投食與之蛄蛄食飯盡而去有頃復來形體稍大復投食與之數日間其

大如豚及將刑之夜掘壁為大穴破械得從之出之後遇赦免故企世祀蛄蛄

焉續異志音義熙中零陵施子然家大作田至穫時廬於田側守視一夜未

眠見一中形丈夫著黃練單衣袷造席與語云姓盧名鈞家在粽溪邊臨水後

掘田塍見大坎有蛄蛄斗許一尤大子然悟曰近日客盧鈞反音則蛄蛄也家

在粽溪即西坎也灌以沸湯於是遂絕

蛄蛄

考工記注蛄蛄却行蟻土精也其為物引而後伸月令孟夏蛄蛄出冬至蛄

蛄結註結屈也天寒蛄蛄入穴首下陽動則首上其身屈曲也抱朴子蛄蛄無口

而揚聲淮南子蛄蛄無筋骨之利爪牙之強上食晞堞下飲黃泉用心一也

郭璞贊蛄蛄土精無心之蟲交不以分淫於阜螽觸而感物乃無常雄蟬史

夏月蛄蛄夜鳴於草底與阜螽同穴為雌雄阜螽即蟪也物類相感志蛄蛄與

蛄蛄雖異類而為雌雄蛄蛄鳴則阜螽跳躍五月五日伺其偶合收而佩之令

人相愛類從蛄蛄之塵背灑起霧稽神錄有村人震死既而空中呼曰誤

矣可取蛄蛄爛搗覆臍中當差如言傳之遂蘇金臺紀聞蛄蛄糞能治蜂螫

余曾為蜂所毒急以井泉調蛄蛄糞塗其痛立止歲時記五日午時于韭畦

而東不語取蛄蛄乾收之謂之六乙泥為魚鯁者以少許擦咽外即消番禺

記閩越江北山間蠻夷啖蛄蛄脯為羞容州人好食非士人以為諱或云以蛄

蛄為之古今注蛄蛄一名蛄蟪一名曲蟪善長吟於地中江東謂之歌女或

謂之鳴砌亦呼為蟪蛄本草蛄蛄一名土龍一名地龍子其屎呼為蛄蛄

爾雅疏蠃蚓一名蠶蠶即蟹蟪也

吳氏本草蚯蚓一名白頸螻蟻一名附引

劉賓客嘉話瓊州地名胸腮胸腮是蚯蚓也

土多此蟲常至夜江畔出其身半跳於空中而鳴其形胸腮音蠢餘冬序錄孟子所謂吾必以仲子為巨擘

者蓋齊地有蟲類大蚯蚓人謂之巨擘善擘地以行巨擘即蚯蚓之大者孟子謂蚓而後充其操今注以為大指非也

埤雅蚯蚓有一種白項是其老者也

呂氏春秋黃帝見大蟻土氣勝故其色尚黃

高誘注蟻蚯蚓

世紀黃帝時

蟻大如虹五行記陳後主時隋軍至江蚯蚓盡出森如植箭陳氏水鄉蚯蚓

土蟲象陳氏自稱土德盡出明傾其窟穴以曲歸直是歲隋平陳

上都渾瑊宅戟門外一小槐樹樹有穴大如錢每夏月齊後有蚓大如巨擘長二尺餘白頸紅斑領引數百條如索緣樹枝幹及曉悉入穴或時眾鳴往往成曲又予三從房伯父唐太和三年任廬州某官庭前忽有蚓出大如食指長可

二三尺白項當項下有兩足正如雀脚步於垣下經數日方死又予姪女乳母阿使本荊州人嘗言小時見其姪孔謙籬下有蚓口露雙齒肚下足如弦長尺

五行疾于常謙遽殺之其年謙喪母及兄叔因不得活

異苑孟州王雙宋文帝元嘉初忽不欲見明常取水沃地以菰蔣覆上眠息飲食悉入中云恒有女

著青裙白領巾來就其寢母聽聞薦下有聲歷歷發之有一青色白纓蚯蚓長二寸許云此女常以一奩香見遺氣甚清芬奩乃螺殼香則葛蒲根於時咸謂雙暫同阜螽矣續明道雜志黃州有小蛇首尾相類因謂兩頭蛇余視之其

尾端蓋類首而非也土人言此蛇老蚯蚓所化無甚大者其大不過如大蚓行不類蛇宛轉甚鈍又謂之山蚓劇談錄蚯蚓為百合乃自有知為無知蚯蚓

在土中欲化時蟠結如毬已有百合之狀

總論

譚子化書蠅蟻之有君也一拳之宮與眾處之一塊之臺與眾臨之一粒之食與眾蓄之一蟲之肉與眾師之一罪無疑與眾戮之

戒菴漫筆蟻謂之馬蟻形如馬也羣聚成陣俗謂之馬蟻作壩必有雨曾見兩兩相鬪屢退屢合經一晝一夜

埤雅螳有君臣之義故其字從豈亦或從義善鬪力舉等身鐵鬪輒酣戰不解有行列隊伍

古今五行記後魏顯宗天安元年兗州有黑蟻與赤蟻交鬪長六十步廣四寸赤蟻斷頭而死黑主北赤主南時齊明帝殺少帝子業而自立大為魏軍所破東魏孝靜帝武定四年鄴下有黃蟻與黑蟻鬪黃蟻盡死時東魏戎衣色黑西魏戎衣色黃既而高歡圍王壁五旬不拔班

師而堯 莊子 蟻慕羶 抱朴子 蟻有兼弱之智 莊子 得時則蟻行 注 蟻行

透遲有序需而不速 韓子 桓公伐孤竹行山中無水隰朋曰蟻冬居山之陽

夏居山之陰蟻攘寸而有水乃掘之遂得水 焦贛 易林 蟻封戶穴大雨將集

博物志 蟻知將雨 京房 易占 蟻無故當道若門戶城郭聚土水且傷人

方言 埴封塲也楚郢以南蟻土謂之埴 埴雅 詩云 鸛鳴於埴埴蟻冢也蟻將

雨則出而壅土成峰鸛鳥見之長鳴而喜方言曰其塲謂之坻亦或謂之埴埴

從至蟻之微而能為埴用其至故也一名蟻封 无雜 組人有掘地得蟻城者

街市屋宇樓堦門巷井然有條唐五行志開成元年京城有蟻聚長五六十步

濶五尺至一丈厚五寸至一尺可謂異矣 珍珠船 有再端者因營莽掘地遇

蟻城方丈城壘皆具若雕刻中有街徑樓閣二大蟻居樓閣中一紫色足翅皆

如金 嶺表錄異 交廣溪洞間酋長多蟻卵淘澤令淨鹵以為醬或云其味酷

似肉醬非官客親友不可得也 倦游錄 嶺南暑月欲雨則朽壤中白蟻蔽空

而飛入水翅脫化為蝦土人遇夜于水次秉燭蟻見火光悉投水中則以竹漉

取搏之每搏以豚鬻糝之為鮓號天蝦鮓又有大赤蟻作窠于木梢如數升器

者取其卵并蟻以糝泊薑鹽釀焉云味極辛辣 吳錄 居風縣有蟻絮藤人視

土中知有蟻因土發以木皮插其上則蟻出緣而生漆 雞肋編 廣州可耕之

地少民多種柑橘以圖利嘗患小蟲損食其實惟樹多蟻則蟲不能生故園戶

之家買螳于人遂有收螳而販者用豬羊腴盛脂其中張口置蟻穴傍俟蟻入

中則持之而去謂之養柑蟻

名類 大戴禮 十二月玄駒注 玄駒者蟻也賁者走於地中也 古今注 牛

亨問董仲舒曰蟻曰玄駒何也答曰河內人見有人馬數千萬騎皆大如黍米

旋動往來從朝至暮家人以火燒之人皆是蚊蚋馬皆成大蟻故今人呼蚊蚋

曰黍民蟻曰玄駒 方言 蚍蜉齊魯之間謂之蚍蜉西南梁益之間謂之玄駒

燕謂之蛾蚋 爾雅 疏螳通名也其大者別名蚍蜉俗呼馬蚍蜉小者即名螳

齊人呼螳蚋其大而赤色斑駁者名螳一名打螳有翅而飛者名蠹即飛螳也

其子在卵者名蚻可以作醢 詞林海 錯蟻名螳蟻一名石宮 廣志 有飛蟻

有木蟻古曰玄駒者也又有黑黃大小數種 酉陽雜俎 元和中子居在長興

里庭有一穴蟻形狀竊赤蟻之大者而色正黑腰節微赤首銳足高走最輕迅

每生致螻及小蟲入穴輒壞坭室穴蓋防其逸也又秦中多巨黑蟻好鬪俗呼

為馬蟻次有色竊赤者細蟻中有黑色遲鈍力舉等身鐵有竊黃者最有兼弱

之智其行每六七有大首者間之整若隊伍至徒蠅時大首者或翼或殿如備
異蟻狀也續博物志馬緒謫潮得巨蟻長尺餘鹽漬之歸誇北人楚辭赤
蟻若象注西方曠野有赤蟻其大若象能殺人山海經朱蟻其狀如蟻在崑
崙墟

蟻異

異聞集徐玄之夜讀書有人物如粟粒數百皆具甲冑擁一赤幘紫衣

者行案上傳呼曰虬蟬王欲觀漁於紫石潭顧左右索漁具凡數百齊入硯中
獲小魚數千頭玄之以書卷蒙之執燭以觀一無所見齊諧記董昭之過江

見蟻胃一短蘆昭之救之後繫獄蟻領羣蟻穴獄昭之得免南柯記淳于棼

夢為大槐安國駙馬領南柯郡太守征檀蘿國既覺尋宅南大古槐下穴旁可

表丈有大穴洞然明朗可容一榻根上有積土壤以為城郭臺殿之狀有蟻數
斛隱聚其中中有小臺其色若丹二大蟻處之素翼朱首長可三寸左右大蟻
數十輔之諸蟻不敢近是其王矣即槐安國都也又窮一穴直上南枝可四丈
亦有土城小樓羣蟻亦處其中即生所領南柯郡也又訪于外宅東一里有古
涸澗側有大檀樹一枝藤蘿擁織上不見日旁有小穴亦有羣蟻隱聚其間檀
蘿之國豈非此耶窮神祕苑古槐中蟻穴也元魏時盧汾嘗叩樹有女子衣

青出引汾入見廳堂危豁題曰審雨堂

蛙

總論

周禮秋官蠃氏掌去鼃黽焚牡鞠以灰灑之則死以其烟被之則凡水

蟲無聲

車若水脚氣集朝廷禁捕蛙以其能食蝗也周禮蠃氏掌去鼃黽是

惡其聲之聒人

田家五行上巳日聽蛙聲占水旱

北戶錄蛙性熱甚補人

人有折其足於瓶中

以水養之不三五日如故亦有以蘇煎食者水族加恩

簿申潔謂蛙

蒼皮癭疹矮股跳梁授濟饒都護行水樂令

莊子秋水篇公子

牟曰子獨不聞夫陷井之鼃乎謂東海之鼃曰吾樂與吾跳梁乎井榦之上入

休乎闕甃之崖赴水則接掖持頤蹶泥則沒足滅跗還軒音寒義云井中蟹與

科斗莫吾能若也

漢書武帝元鼎五年秋蛙與蝦蟆鬪是歲四將軍眾十萬

征南越開九郡

南史孔蛙門庭之內草萊不翦中有蛙鳴曰我以此當兩部

鼓吹

南史梁沈僧昭與武陵王紀坐池亭蛙鳴聒耳王曰殊廢絲竹之聽僧

昭咒厭十許口便止王曰欲其復鳴僧昭曰王歡已闌今恣汝鳴即便喧聒

宣室志有人見羣僧浴水中問之曰此玄陰池也又曰檀越可聽吾徒之梵音

於是合聲而噪乃羣蛙也

拾遺記倉頡之處有丹石井有白蛙兩翅常來去

各效鏡原

卷九

昆蟲類

蛙

井上或化為雙白鳩入雲唐五行志神龍中渭水有蛙大如鼎里人聚觀數

日而失玉堂閒話徐之東界接沂川有溝多盤車相傳是溪仲試車之所溝

有水水有蛙大可如五石甕目如盃昔嘗有人於其頂上得藥服之度世

詳類武紀注鼃也似蝦蟆而長脚其色青山堂肆考蛙一作鼃蝦蟆之

屬也一名蛤魚一名蝮一名長股一名田雞一名水雞一名鼃一名土鴨本

草衍義鼃色青腹細嘴大後脚長故善跳圖經云似蝦蟆而背青綠色俗謂之

青蛙亦有背作黃文者人謂之金線鼃黑色者南人呼為蛤子食之至美即今

所謂之蛤亦名水雞是也閩蜀浙東人以為珍饈小形善鳴喚者名鼃子爾

雅疏其居水者名鼃一名耿鼃狀如青蛙而腹大為異陶注本草云大而青脊

者俗名土鴨其鳴甚壯即此鼃也陶又云一種小形善鳴喚名為鼃者即郭云

青蛙者也邱光庭兼明書蛙形小而長色青而皮光春夏居水邊相對而鳴

者也按蛙鳴始於二月驗立夏而鳴者其形最小其色褐黑好聚淺水而鳴其

聲如自呼為渴於者是蠖蝮也周官蠃氏鄭注蠃今御所食蛙也通志有

一種生山谷中黑色肉紅名石鱗魚竝可食泉南雜志鼃一名石鱗魚紫斑

如顯錦生溪澗高潔處其大如雞得亦不易厥俗兼皮食之有見餉者曰此難

得之珍味也侯鯖錄水雞蛙也水族中厥味可薦者蜀都賦蠃蟻山棲注

蠃蟻類蛙而大即今田雞也格物總論蛙數種有黑虎有蚰黃有黃蠃有蠖

蠃其形各別黑虎身小黑嘴脚小班蚰黃斑色前脚大後腿小有尾子一條黃

蠃遍身黃色腹下有臍帶長五六分蠖蠃即夜鳴腰細口大皮蒼蠃色俗名田

雞其他又有鼃蠃長稜石螳蠖子之屬投荒雜錄南方又有水族狀如蛙其

形尤惡土人呼為蛤蛙食之味美如鷓鴣及治男子勞虛

蝦蟇附蚪蚪 蟾蜍

總論賈公彥周禮疏脰鳴者即蝦蟇也埤雅蝦蟇懷土雖取以置遠郊一

夕復還其所全雅蝦蟇曳腸於水際草土纏繳如索日見黑點漸深至春水

時鳴以聒之則蚪斗皆出出之聒子埤雅雜俎云蝦蟇無腸又云蝦蟇聲抱

今里俗聞其春鳴謂之聒子聒子即所謂聲抱也又曰蝦蟇生子後腹空無物

故曰無腸山堂肆考燒蝦蟇可以制蚤蝨宋書張暢弟收嘗為獬犬所傷

醫者云宜食蝦蟇膾可療收甚難之暢含笑先嘗收因此乃食創亦即愈尚

書故實百粵人以蝦蟇為上味疥者皮最佳故越人云不可脫去此錦襪子

游宦紀聞眉州人水濱釣蝦蟇置籃中皆兩兩相負牢不可拆極力分之旋即

相負如初市之以為珍味成都人最重之以料物和酒炙之曰炙蟾括蒼亦以為珍品名曰風蛤 淮南子老蝦蟇化為鶉 集異志唐高宗嘗患頭風穿地置藥爐忽有一蝦蟇躍出色如黃金背有朱書武字 酉陽雜俎長慶中八月十五日夜有人玩月見林中光屬天如疋布視之見一金背蝦蟇 霏雪錄越中有道士陸國賓者曉乘舟出見白虹跨水甚近及至其所見蝦蟇如箬笠大白氣從口出即跳入水虹亦不見 唐五行志先天二年六月京師朝堂磚下有火蛇出長丈餘有大蝦蟇如盤而目赤如火相與鬪俄而蛇入於大樹蝦蟇入於草蛇蝦蟇皆陰類朝堂出非其所也 宣室志唐李揆乾元中為禮部侍郎嘗一日忽聞堂中有聲極震若牆圯驚入視之見一蝦蟇俯於地高數尺魁然殊狀揆命家童以巨缶蓋焉有解者曰夫蝦蟇月中之蟲亦天使也今天使來公堂豈非上帝以祭命付公乎其明啟而視之已亡見矣後數日果拜中書侍郎平章事 鳥獸續考余曾見一胡僧持竹器畜蝦蟇數十於中備寸桌數面名之曰讀書蟇每命之讀設一席於上若僧席然左右各設弟子席鼓之坐一巨蟇跳於師座羣蟇隨列弟子位鼓之讀則蟇師先聲羣弟子應聲而鳴宛若一堂書聲也鼓之止鼓之入則巨者先止先入

名類

本草蝦蟆一名蟾蜍一名鼈一名去甫一名苦蠶

淮南子鼓造辟兵

壽盡五月之望 注 鼓造蝦蟆也

孫綽漏刻銘靈蚪吐 注 陰蟲承瀉 注 陰蟲蝦

蟆也 南齊書 卞彬蝦蟆賦云紆青拖紫名為蛤魚 洽聞記 蝦蟇大者名田

父能食蛇蛇行田父逐之蛇不得去田父銜其尾久之蛇死尾後數寸皮不損

肉已盡矣 文字集略 輪蝦蟆也大如屨能食蛇 游宦紀聞 德興有毛山環

三州界廣袤數百里每歲間山旁人夜持火炬入深溪或山洞間捕大蝦蟆名曰石撞 神仙傳 益州北平山有白蝦蟆謂之玉芝非仙才靈骨莫能致也

茅亭客話蜀有村夫鬻白蝦蟆甚大兩目如丹皆云肉芝也有醫工買歸慮其走逸以大石白合於地至曉石白透明如竹籠醫工駭愕齋沐負鐺挈蟾辭家入青城山不知存亡 酉陽雜俎 龜無故自濕者赤蝦蟆名鈎注居之去則止

蚪蚪 山海經 崑崙湖水東流其中多活郎師 注 即蚪蚪也 爾雅 科斗活東

疏蝦蟆子也一名科斗一名活東頭圓大而尾細古文似之 古今注 科斗一

名玄針一名玄魚形圓而尾細聞雷則尾脫脚生也 埤雅 科斗逢月大盡生前兩足小盡生後兩足

蟾蜍 春秋孔演圖 蟾蜍月精也 埤雅 蟾蜍吐生腹大背黑皮上多瘳磊跳

行舒遲

本草蟾蜍肪塗玉則刻之如蠟故云能合玉石但肪不可多得取肥者對煎膏以塗玉亦軟滑易截古玉器有奇特非雕琢人工者多是昆吾刀及蟾蜍肪所刻也

衍義蟾蜍眉間白汁謂之蟾酥爾雅疏鼃醜一名蟾諸郭云似蝦蟆居陸地淮南謂之去蚊然則蟾諸非蝦蟆但相似耳

蟾史諸書皆分蝦蟆蟾蜍為二物以為蟾蜍大腹癩背不能跳躍亦不善鳴蝦蟆小子蟾蜍能跳接百蟲善鳴然予村居無事細視科斗漸大脫尾生足而登陸至四五月則居稻田內好鳴能跳接百蟲而食之經年方老好居人家下濕地夏夜則出拾蟲而不能跳矣亦不鳴聒人呼為蛤霸其實一物老幼殊質春夏異時遂分為二也

玄中記蟾諸生角者食之壽千歲

張衡靈憲拜請不死之藥於西王母嫦娥竊之以奔月將往枚筮之於有黃有黃占之曰吉翩翩歸妹獨將西行逢天晦芒母驚母恐後且大昌嫦娥遂託身於月是為蟾蜍

抱朴子萬歲蟾蜍頭上有角領下有丹書八字體重以五月五日中午時取之陰乾百日以其足畫地即為流水帶在左手於身辟五兵若敵人射己者弓弩矢皆反還自向也

研北雜志陳聖觀聞宋炤說蟾蜍三足與蛙不同炤既去乃得枯者於貨藥擔上以示聖觀乃一軀殼實之以木屑視之三足特長如尾而有距世所範

為硯滴者或不盡似也

太平清話正和二年夏四月新安蟾蜍背生芝草時農夫汲水於龍淵之津觀此一蟾望日而拱已而視之則其背生芝凡十五葉

葉間有異草蒙茸蒼翠歲寒不彫

自然論蟾蜍擲糞自其口出

酉陽雜俎

土檳榔狀如檳榔在孔穴間得之新者尤軟相傳云蟾蜍矢也能已毒瘡

會編一種蟾大而黃色多在山石中藏蟄能吞氣飲風露不食雜蟲謂之山蛤

蟬史山蛤一名南風蛤又名石蝎生深山谷中遇南風則出背黑色靡磊兩股甚長孝豐人珍之為上品連皮蒸熟味在于皮

蜥蜴附蛤蚧

方言秦晉西夏謂之守宮或謂之蠶蟻或謂之刺易其在澤中者謂之易蜥南

楚謂之蛇醫或謂之蝶螈東齊海岱之間謂之蜺蜺北燕謂之祝蜺

說文蝶螈蛇醫以注鳴者也

在草曰蜥蜴在壁曰蜺蜺蜺守宮也

通雅蜥蜴總曰螭大者曰山龍子緣木曰蜺蜺在草曰蝶螈在屋曰守宮

陶弘景本草形大純黃色者名蛇醫亦名蛇舅似蛇醫而小尾長見人不動者名龍子小而五色

尾青碧者名蜥蜴小而緣牆壁色黑者名蜺蜺

吳人呼為壁虎

古今注蜺蜺善上樹捕蟬食之其長細五色者名為蜥蜴短大者名蝶螈一曰蛇醫大者長三尺其

色玄紺善螫人一名玄蠓一日綠蠓 **北戶錄** 蜥蜴一日蛇師 **埤雅** 蜥蜴十

二時變色舊說蛇體有傷此輒銜草傳之故有蛇醫之號也今俗謂之蠍虎喜

緣籬壁者是 **二酉餘談** 一人為蛇傷痛苦欲死見一小兒來曰可用兩刀在

水內相磨取水飲之神效言畢化為綠蠓走入壁孔中其人如方即愈因號綠

蠓為蛇醫 **漢書** 東方朔傳武帝置守宮孟下令朔射之朔曰臣以為龍又無

角謂之為蛇又有足跂跂胛胛善緣壁是非守宮即蜥蜴 **注** 守宮蟲名也術家

云以器養之食以丹砂滿七斤擣治萬杵以點女子體終身不滅若有房室之

事則滅矣言可以防閑淫逸故謂之守宮今俗呼為辟宮辟亦相禦之義耳

文昌雜錄 守宮其形大槩類蜥蜴足短而加濶亦有金色者秦始皇時有人進

之云能守鑰人不敢竊發鑰故名之曰守宮由此也又云致於宮中宮人之有

異志者即吐血汚其衣或曰以守宮繫宮人臂守宮吐血汚臂者有淫心也秦

皇則殺之 **物類志** 蜥蜴五色具者雄不備者雌 **曹叔雅異物志** 魚跳躍則

蜥蜴從草中下稍相依近便共浮水而相合事竟魚還水底蜥蜴還草中 **酉**

陽雜俎 王彥威鎮汴之二年夏旱李玘過汴因宴王以旱為慮李醉曰欲雨甚

易耳可求蛇醫四頭十石甕二每甕實以水浮二蛇醫覆以木蓋密泥之分置

於開處瓮前設席燒香選小兒十歲已下十餘令執小青竹晝夜更擊其瓮不

得少輟王如其言試之一日兩度雨大注數百里舊說龍與蛇師為親家 **羣**

書考索熙寧十年四月中書下門御言前降到蜥蜴祈雨法排辦其法捕蜥蜴

十數枚置之甕中漬之以雜木葉選童男數十人衣青衣青塗面及手足仍持

柳枝沾水散灑且呪曰蜥蜴蜥蜴興雲吐霧雨今霽霽汝今歸去如是者晝夜

嬰繞而言是月十八日依法為之至二十夜雨 **傳載畧** 武肅於院中令老姥

監直聽更有大蜥蜴沿油缸而吸視之將竭倏然不見明日王曰昨夜夢麻膏

充腸而飽是何祥也宮中或有對者王亦微哂而已

蛤蚧

方言 桂林之中守宮大而能鳴者謂之蛤蚧

物類志 蛤蚧皮粗口大

身小者雄口銳尾小身大者雌 **北戶錄** 蛤蚧首如蟾蜍背綠色上有黃斑點

若古錦文長尺餘尾絕短其族則守宮蜥蜴蝦蟆多居古木竅間自呼其名聲

絕大 **本草** 蛤蚧狀類蝦蟆首細鱗長尾生嶺南在古牆壁及榕木間一雌

一雄行常相隨 **蘇頌圖經** 蛤蚧欲得首尾全者俟於榕木間 **物類相感志**

蛤蚧長二三尺許小者一尺已下其狀與守宮不殊夜行每鳴自呼南民云蛤

蚧生一歲每鳴一聲二歲二聲有至十聲者土人以老蛤蚧尤重之 **北戶錄**

蛤蚧或曰一年一聲驗之非也端州大廳有蛤蚧州吏云多年至今每鳴或三聲或一聲不定也 海錄蛤蚧大月三聲小月兩聲

果贏

爾雅疏果贏一名蒲蘆即細腰蟲也俗呼為蠨螋鄭注中庸以蒲蘆為土蠹說文云細腰土蠹也天地之性小腰純雄無子螟蛉一名桑蠶一名桑蠶一名戎女果贏取而附之於木空中七日而化為子 揚雄法言螟蛉之子墮而逢螺

贏祝之曰類我類我久則肖之矣 詩疏螟蛉者捷為文學曰桑上小青蟲也似步曲其色青而細小或在草葉上螺贏似蜂而小腰取桑蟲負之於木空中或書簡筆筒中七日而化為其子里語曰呪云象我象我 埤雅果蠃土蜂也

好禁蜘蛛捕泥作房如併竹管取桑蟲負之今呼大蠶啖子地中作房者亦曰土蠹非此細腰土蠹也 酉陽雜俎蠨螋好窠於書卷或在筆管中祝聲可聽

有時開卷視之悉是小蜘蛛大如蠅虎旋以泥隔之不獨負桑蟲也 捫蝨新話遼齋閑覽以螺贏蠨螋蒲蘆為三種銜泥營窠於室壁間者名螺贏穴地為窠者名蠨螋窠於書卷或筆管中者名蒲蘆 格物總論螺贏所負不但螟蛉或蟾子磔而斃之因產一小卵於其上俟其卵化而成形漸食所負之蟲久乃

寢大生翼飛去 脚氣集螺贏取螟蛉產子於其身上借其膏血以為養螺贏

大螟蛉枯非變化也 留青日札螺贏凡細蟲皆可負去必齧死之而寄生一子於其上積四五蟲乃以泥封之久之卵得其氣而生其初生也必食其蟲俱盡則可以啓封而出戶矣 五雜俎螟蛉有子螺贏負之謂負他子作己子也

故人以過房子為螟蛉此語相沿至今然螺贏實非取他物為子也迺放卵窠中而殺小蟲以飼之耳陶隱居爾雅注云蠨螋銜泥竹壁及器物作房子如粟米乃捕取草上蜘蛛滿中塞之以俟其子為糧此語鑿鑿有據足破千古之誤且詩但言螺贏負之未言其作己子也則揚子雲類我之說誤之也

蜘蛛附蟻蝥 壁蝥 蝥當 蝥

爾雅疏蠶蠶別名也一名蠶螫今江東呼蝦螫齊人又呼社公亦言網公其在地中布網者名土蠶蠶其作網絡幕草上者名草蠶蠶也 方言蜘蛛自關以西秦晉之間謂之蠶螫自關以東趙魏之間謂之蠶蠶或謂之蠶螫北燕朝鮮洌水之間謂之蠶螫 本草蜘蛛赤斑者俗名絡新婦 格物總論蜘蛛大腹深灰色多於空中作圓網然亦數種有赤斑者有五色者有大身上有刺毛者有薄小者惟在屋西面有網身小尻大腹內有蒼黃膿者為真其大者身運

數寸而跨長數倍其網羅竹栢盡死 廣雅蜘蛛有在器下者有以絲在籬落間緣壁捕蠅者 埤雅蜘蛛布網如罽其絲右繞今磨旋蔓生皆循右而轉亦自然之理也 西京雜記蜘蛛集而百事喜 李德裕喜徵論凡人將有喜兆蜘蛛必垂於冠冕 酉陽雜俎道士許象之言以正覆寒食飯於閤室地入夏悉化為赤蜘蛛 酉陽雜俎裴旻山行有山蜘蛛垂絲如疋布將及旻引弓射却之如車輪因斷其絲數尺收之部下有金瘡者剪方寸貼之血立止 鳥獸續考海蜘蛛巨若丈二車輪文具五色非大山深谷不伏也游絲隘中牢若絙纜晨輝照耀光燄燁燁虎豹鹿間觸其網蜘蛛益吐絲如縞霞纏糾卒不可脫俟其斃腐乃就食之舶人欲樵蘇者率百十其徒束炬而往遇絲輒燃紅遍山谷如設庭燎蜘蛛潛愈邃密惟恐其及也或云取其皮為履不航而涉豈其然歟 詞林海錯蜘蛛大者可以食多晉公子重耳與五臣見於大澤中出符子 天中記江夏城南鐵佛寺內有蜘蛛井世傳唐時有紅白二蜘蛛化為妖婦以媚人故鑄鐵佛鎮之 玉堂閒話泰岳之麓有岱岳觀樓殿成古制年代寢遠一夕大風有聲轟然響震山谷及旦視即經樓之侈也樓屋徘徊之中雜骨盈車有老蜘蛛在焉形如矮腹五升之茶鼎展足則周數尺之地矣先是

側近人家亡失幼兒不計其數蓋悉罹其啗食也蓋布網於上或遭其黏縻絆而不能自解則遭其害矣於是觀主命薪以焚之臭聞十餘里 酉陽雜俎唐元和中蘇湛游逢鵲山裏糧鑽火境無遺趾忽謂妻曰我行山中都倒巖有光如鏡必靈鏡也明日將投之今與卿訣妻子號泣止之不得及明遂行妻子領奴婢潛隨之入山數十里遙望巖有白光圓明徑丈蘇遂逼之纔及其光長叫一聲妻兒遽前救之身如繭矣有黑蜘蛛大如鈞鏘走集巖上奴以利刀決其網方斷蘇已腦陷而死妻乃積柴燒其巖臭滿一山 金樓子楚國龔舍初隨楚王朝宿未央宮見有赤蜘蛛大如栗四面縈羅網有蟲觸之而死者退而不能得出焉舍於是掛冠而退時謂舍為蜘蛛隱 天寶遺事帝與貴妃每至七月七日夜在華清宮游宴時宮女輩陳瓜花酒饌列於庭中求恩於牽牛織女星各捉蜘蛛於小合中至曉開視蛛網稀密以為得巧之候密者言巧多稀者言巧少民間亦效之

蠨蛸 詩疏蠨蛸長跨一名長脚荊州河內人謂之喜母此蟲來著人衣當有親客至有喜也幽州人謂之親客亦如蜘蛛為網羅居之 爾雅疏小龜龜長脚者一名蠨蛸一名長跨俗呼為喜子詩東山云蠨蛸在戶 採蘭雜志昔有

母子離別母每見蠟蛸垂絲著衣則曰子必至也果然故名曰喜子子思其母亦然故號曰喜母均之一物也

壁繭 山堂肆考壁錢蟲似蜘蛛而身扁作白幕如錢著壁間俗呼為壁繭其抱子隔幕而伏生子百數坼幕而出一名扁蟻一名壁鏡 事物原始壁繭蟻子也一名壁蟻能捕蠅作窠於門壁之上其結窠似幕其圓大如錢

顛當 山堂肆考螳螂一名顛當形如蜘蛛穴土為窠 酉陽雜俎顛當窠深如蚓穴網絲其中土蓋與地平大如榆莢常仰掉其蓋伺蠅螻過輒翻蓋捕之纔入復閉與地一色竝無絲隙可尋也其形似蜘蛛爾雅謂之王蚘蝎鬼谷子謂之蚘母秦中兒童戲曰顛當顛當牢守門蠅螻冠汝無處奔

蚰蟥 格物論能於空中作懸網狀如魚罾者名蚰蟥 陶隱居本草蚰蟥在孔穴中及草木稠密處作網如蠶絲為幕絡伺蠅蚋觸網則出擒食之形如蠅虎身有

格致鏡原卷九十八終

格致鏡原卷九十九

昆蟲類四

蛇

早稻田大學大學院
文學研究科圖書

總論 張負疏蛇能屈伸配龍騰蟄 賈公彥疏紆行者即蛇也 淮南子蛇無足而行 埤雅蛇盤常向土地壬北方也蛇以眼聽語曰蛇聾虎鬚 內典辨蛇雄雌以細軟物停著上其躁繞者當知是雄住不動者當知是雌如雜寶藏經律云白氈試蛇去住不同也 搜神記千歲之蛇斷而復續 地鏡圖金寶化青蛇 晉書武庫封閉甚密其中忽有雉雌張華曰此必蛇化為雉也開視雉側果有蛇蛻焉 異苑晉太元中汝南人入山伐竹見一竹中蛇形已成

枝葉如故又吳郡桐廬人常伐餘遺竹見一竹竿雉頭頸盡就身猶未變此亦竹為蛇蛇為雉也 廣博物志蛇食茄則醉 後山談叢王沂公之先為農與其徒入山林以酒行既飲先後至失酒顧草間有醉蛇倒而埒之得酒與血怒而飲焉昏閉倒卧明日方醒視背傍積蟲成堆自是無蟲終身又李公擇家有坐化蛇 倦游雜錄嶺南人好啖蛇易其名曰茅蟬 水經注武強縣人有行於道見一小蛇疑其有靈持而養之名曰檐生長而吞噬人 廣博物志山中

有大蚊冠幘者名曰升卿呼其名則吉

也西陽雜俎蚊鬼名側石圭一名塵

輒復蛻殼冬輒含土入蟄及春出蟄則吐之圓重如石謂之蚊黃

蛻一名龍子衣一名蚊符造化權輿蚊易皮

嘉冬月晨行見有一蚊長二尺許紋色似青琉璃頭有雙角白如玉感而畜之

蛻蛆喜食其眼西使記骨篤犀大蚊之角也解諸毒

隱然不離廣博物志宋元嘉中廣州有三人共在山中伐木忽見石窠有三

卵大如升取煮之湯始熱聞林中如風雨聲須臾一蚊大十圍長四五丈逕來

湯中銜卵而去三人未幾皆死太平廣記趙延禧云遭惡蚊虺所螫處帖艾

炷當上灸之立差不然即死朝野僉載種黍來蚊燒殺羊角及頭髮則蚊不

敢來事物原始西京賦水人弄蚊注水人俚兒也能禁錮弄蚊其事始於漢

時楊慎外集山海經云有黑人虎首鳥足兩手持蚊方啗之今南中有夷名

娥昌其手持蚊啗之其採樵歸籠中捕蚊數十蚊亦不能去不知何術也疑

即此類搜神記隋侯姓祝字元暢往齊國見一蚊在沙中頭上有血隋侯以

杖挑放水中而去後回至蚊所乃見蚊銜一珠來隋侯不敢取夜夢踏一蚊驚

覺乃得雙珠埤雅蚊珠蚊所吐也語曰蚊珠千枚不如一玫瑰言蚊珠賤也

之餘靈也武陵記壺頭山邊有石窟即馬援所穿室也室內有蚊如百斛船大云是援

則往而不反積年如此失人甚多董奉從交州出由此嶠見之大驚曰此蚊也

往行旅施符勅經宿往看蚊已死矣白骨積聚成山豫章記永嘉末有大蚊

長十餘丈斷道人有過者輒以氣吸引取之吞噬已百數道士吳猛與弟子數

人往欲殺蚊蚊藏深穴不肯出猛符南昌社公蚊乃出穴頭高數丈猛緣尾登

背以足按蚊頭著地弟子於後以斧殺之猛曰此蚊是蜀精南史梁武帝與

宮人幸玄洲苑見大蚊盤屈於道羣小蚊繞之竝黑色宮人曰恐是錢龍帝以

錢十萬貫鎮於蚊處以厭之朝野僉載開元四年六月柳州馬嶺山側有白

蚊長六七尺黑蚊長丈餘須臾二蚊鬪白者吞黑蚊到粗處口兩啗皆裂血流

滂沛黑蚊頭入嘴白蚊肋上作孔頭出二尺餘俄而兩蚊竝死後十餘日大雨

山水暴漲漂破五百餘家失三百餘人北夢瑣言先化中楊守亮鎮褒日有

一蚊橫斜谷嶺路高七八尺莫知其首尾四面小蚊翼之無數每一拖身即林

楊伏誅

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

大者故曰王蚊說林訓騰蚊游霧而擊蛆陰陽自然變化論騰蚊聽而有孕

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

亦曰靈蚊爾雅騰騰蚊註龍類也能興雲霧而游其中鬼谷子騰蚊一名神蚊

水經注交阯山多大蚊名曰蚌蚊長十丈圍七八尺常在樹上伺鹿獸鹿獸

過便低頭繞之有頃鹿死先濡令濕訖便吞頭角骨皆鑽皮出山夷始見蚊不

動時便以大竹籤籤蚊頭至尾殺而食之以為珍異故楊氏南裔異物志曰髯

惟大蚊既洪且長采色駁犖其文錦章食灰吞鹿股成養創實享嘉宴是豈是

觴言其養創之時肪腴甚肥也華夷鳥獸考蚌蚊大者如柱長稱之其膽入

藥南人腊其皮刮去鱗以鞣鼓蚊常出逐鹿食寨兵善捕之數輩滿頭插花趨

赴蚊蚊喜花必駐視漸近競拊其首大呼紅娘子蚊頭益俛不動壯士大刀斷

其首眾悉奔散遠伺之有頃蚊省覺奮迅騰擲傍小木盡拔力竭乃斃數十人

昇之一村飽其肉海槎餘錄蚌蚊產於山中其皮中州市為縵樂器之用其

膽為外科治瘡腫之珍藥然亦肝內小者為佳此地兼產山馬其狀如鹿特大

而能作聲尾更板潤與鹿稍異蚌蚊常捕吞之從後脚而入雖角實大二倍於

鹿毒氣呵及即時解脫初吞時亦不能轉動略向水次伸舒消盡無餘矣途人

卒然相值雖持木棍亦將無施解事者執指大蚊皮木在手一揮即止可見物

貴得其制不在操利器也淮南子越人得蚌蚊以為上肴中國得而棄之

埠雅蚌蚊可食尾圓無鱗身有斑文如故暗錦縵難死似鼉行地常俯其首膽

隨日轉上旬近頭中旬在心下旬近尾朝野僉載泉建州進蚌蚊膽五月五

日取時膽兩柱相去五六尺擊蚊頭尾以杖於腹下來去叩之膽即聚以刀剖取藥封放之不死復更取看肋下有痕即放 嶺表錄異 蚺蚊膽狀若鴨子大切取之復內肝腹中以線縫合創口蚊亦復活昇歸放於川澤其膽暴乾以充土貢或云蚊被取膽他日見捕者則遠遠側身露腹瘡明已無膽以此自脫

五雜俎 蚺蚊大能吞鹿惟喜花草婦人山中有藤名蚺蚊藤捕者簪花衣紅衣手藤以往蚊見輒疑立不動即以婦人衣裳其首以藤縛之其膽護身隨擊而聚若徒取膽者以竹擊其一處良久利刃剖之膽落矣其膽噙一粟於口雖拷掠百數終不死但性大寒能萎陽令人無子 華夷鳥獸考 蚺蚊膽陶隱居云此蚊出晉安大者三二圍在地行住不舉頭者是真舉頭者非真圖經曰此物極多偽欲試之別取如粟米許著淨水上浮游水上回旋行走者為真其徑沈者諸膽血也試之不可多多亦沈矣膏之真者礫礫如梨豆子他蚊膏皆大如梅李子此為別也 括地志 蚺蚊牙長六七寸土人尤重之云辟不祥利遠行賣一枚直牛數頭 朝野僉載 泉州有客盧元欽染大風唯鼻根未倒屬五月五日官取蚺蚊膽欲進或言肉可治風遂取一截蚊肉食之三五日頓漸可百日平服 鳥獸續考 明武宗初年嘗宿豹房劉瑾等以蚺蚊油萎其陽是以不

入內宮 蚺蚊 爾雅 蝮博三寸首大如擘 註 身廣三寸頭大如人擘指此自一種蚊名為蝮 埤雅 蝮蚊怒時毒在頭尾蝮與蝮異蝮如土色所在有之蝮蚊鼻反其上有鍼錦文眾蚊之中此獨胎產生輒圻副母腹亦有與地同色者舊云鳩食之 柳宗元 蝮蚊文目兼蝮蠶色 溷泥塗其頸蹙而其腹次且寒 鼻鉤牙穴出榛居蓄怒而蟠銜毒而趨 事物紺珠 蝮蚊細頸大頭焦尾色如綬錦文間有毛似豬鬣鼻上有針大者七八尺又名反鼻名曇 柳州集 蝮蚊善伺人聞人咳喘步驟輒不勝其毒捷取巧噬肆其害或不得於人則愈怒反齧草木草木立死後人來觸死莖猶墮指擊腕腫足為廢病 抱朴子 蚊類多唯有蝮蚊中人至急一日不治則殺人若不曉方術而為此蚊所中但以刀割肉投地其肉沸如火炙須臾焦盡而人得活也又曰帶武都雄黃色如雞冠者五六兩以入山林則不畏蚊蚊若中人以少許末沫之雄黃入瘡中立愈此廣成子教黃帝之道 朝野僉載 山南五溪黔中皆有毒蚊為而反鼻蟠於草中其牙倒勾去人數步直來疾如繳箭螫人立死中手即斷手中足即斷足不然則全身瘡爛百無一活謂蝮蚊也有黃喉蚊好在舍上無毒不害人惟善食毒蛇食飽垂頭直下滴沫地墳起變為沙蟲中人為疾額上有大王字眾蚊之長

常食蝮蛇蝮蛇以上陳鼎蛇譜蝮蛇尾禿而黑色帶綠腹赤蚊中之最毒者也

不畏人見人故遲避行蠶者治少緩即斃鄰幾雜志毒虺斷頭猶能聽以噬

人閑人野話景煥為壁州白石令行涉巴嶺達王女廟有巨虺橫亘其前徑

可七尺餘鱗甲不啻門扇許大頭尾垂在山下惟聞折木震響山谷從者驚駭

莫能進前於是且駐山穴因登高望之竟日方見其尾格物論虺與蝮又自

一種蝮黃黑色黃領尖口毒最烈虺形短而扁毒不減於蝮虺以上爾雅疏蝮

蝮蝮之屬大眼有毒一名蝮又名蝮淮南人呼蝮子者是也蝮譜蝮蛇產

貴州上司中長尺有二寸圓如錢嘴尖尾禿背黑腹白暗鱗點點可玩也或白

如銀見人輒躍起數尺跌為十二段須臾復合為一不知者誤拾之即寸斷兩

端俱生頭鬻人即斃出入往來恒有度捕之者置竹筒於其徑側則不知而入

其中急持之方可完稍緩則碎矣故名曰脆暴乾能已風去厲視其身之上中

下以治人之頂腹脘固不効兼可接斷骨潛確類書脆蛇一名片蛇出雲南

大侯禦夷州長二尺許遇人輒自斷為三四人去則復續乾之治惡疽腰已上

用首以下用其尾窮神秘苑淮南子云神蛇自斷其身而自相續煬帝遣人

於嶺南邊海窮山求此蛇數四而至洛下長可三尺色黃黑其頭錦文全似金

色不能毒人解食肉若欲令自斷其身者則先觸之令怒使不任其憤毒則自

斷為三四其斷之處如刀截焉見其皮骨文理亦有血焉然久怒定則三四斷

稍稍自相就而連續體復如故亦似不相斷隋著作郎鄧隆云此靈蛇一類自

斷不必干歲也北戶錄虺蛇肉食之辟蠱毒其膏俗傳不利人其皮可鞞鼓

今潮州和鱗為之聲絕鳴與象皮鼓相類蝮譜火蛇吐火如彈中雀為食長

七八尺八九尺不等從無滿丈者色赤有兩角本草金蛇無毒形狀大如中

指長尺許常登木飲露作金色照日有光能解金毒人中金毒者令其合瞑納

銀口中含至曉銀變金色者是又有銀蛇能解銀毒物類相感志錫蛇出黔

南桂州其蛇麤如大指長尺許鱗甲上赤金銀星解南土蠱毒蝮譜絲蛇夔

州府蚊到退地方間有之長八尺圍一尺能吐絲作網大數畝蚊居其中如蠶

蠶然俟物入其中即擒吞之人或觸其絲則躍出齧斃山海經注永昌出鈎

蚊長數丈尾岐在水中鈎取岸上人及牛馬啖之寰宇記九真長江水有鈎

蚊食人若殺此蚊則當令死如不死則尋追報人終不已也雖復人眾中往取

害之者萬不一失蝮譜環蚊出三佛齊國如環大數圍至數十圍者逐獸則

疾走如轉車輪於千仞之山獸入環中即斃其口眼俱生環之半與尻相對國

人收其脂作藥服之刀劍不能傷又橋蚊長八九尺或六七尺色青如竹尾禿以首尾行如橋然首先發而尾後縱又如弓狀疾如奔馬能掩捕飛鳥廣東雷州山中頗多不害人 賢奕編申王有肉疾腹垂至胛每出則以百練束之至暑月嘗耐息不可過玄宗詔南方取冷蚊長數尺色白不螫人執之冷如握冰申王腹有數約夏月置於約中不復覺煩暑 祝穆方輿勝覽鱗蚊出安南雲南沅江諸處巨蟒也長丈餘四足有黃鱗黑鱗二色能食麋鹿春冬居山夏秋居水能傷人土人殺而食之膽入藥黃鱗者良 蚊譜介蚊長五六尺有黑白兩種尾繫殼如蚪倦則蟠殼中行則拖殼如飛專食草中蟲不害人出天方國 錄異記爆身蚊長一二尺形如灰色聞人行聲林中飛出狀若枯枝橫來擊人中者皆死 山堂肆考犂頭蚊頭似犂頭尖嘴大領螫人必死亦好伏地而行 五雜俎嶺南多蛇人家承塵屋雷蚊日夜穿其間而不齧人人亦不懼也聞有人面蚊者知人姓名晝則伺行人於山谷中呼其姓名應之則夜至殺其人然主家多蓄蜈蚣蚊至近則蜈蚣籠中奮擲縱之出還往咋蚊 蚊譜人面蚊雌者狀如美婦人項下有兩足如人手十指俱具雄者有髻而色綠長數尺雌雄交則鳴吼善搏虎畏狐見狐則蒲伏不敢動狐從容齧其尾血出則蚊死

呼羣狐負之歸穴以為飯緬甸阿哇占城交趾及八百媳婦國諸山俱有 朝野僉載嶺南有報冤蚊人觸之即三五里隨身即至若打殺一蚊則百蚊相集將蜈蚣自防乃免 五侯鯖吐光蚊出惠州宋科舉年吐異光一團則一人登科二團則二人登科 錄異記雞冠蚊頭如雄雞有冠身長尺餘圍可數寸中人必死會稽山下有之 蚊譜豹皮蚊濶三尺長五尺厚三寸形長而方伏草莽如被然有毛斑爛若豹故名豺狼獐兔踐之即斃斃即吞之畏鶴鶴踐之蚊即斃淳泥國人呼荆奇鑲荆奇鑲者華言毒口蚊也又烏虎蚊出滇南廣西府土司中高五尺大二圍頭尾俱平如圓木色蒼黑常直立草莽中俟飛鳥過噴唾彈之則墜取以為食土人呼為鳥子虎 輿地志龍溪有盤龍蚊青黑色赤帶錦文隨瀆漢水而入於海有毒傷人輒死 蚊譜人蚊長七尺色如墨蚊頭蚊尾蚊身尾長尺許而人足人手長三尺人立而行出則羣相聚遇人輒嘻笑笑已即轉噬然行甚遲聞其笑即速奔可脫又王蚊滇南近緬山中有之長數里色如黃金蓋數千年矣常隱不常現不害人物以蚊為飯每出小黃蚊千數所止地凡蚊盡來朝有罪及傷人者輒命羣蚊噬之即以為食凡毒蚊傷人者尾必禿所殺者皆禿尾人以是知其討有罪也每殺蚊必留尾以為號令以其

能討惡故曰王蛇蓋蛇之仁武者也又神蛇在梧州三界廟甚靈異每祈禱小
 青蛇從鬼吏冠袖中出身綠如苔柔擾依人倏忽不知所在有負於神蛇即至
 其家雖遠必來人懼而祀之則去或曰有司疑案不能決輒令兩造詣廟探鬼
 吏冠中蛇理屈者即齧斃此蛇之聰明正直者也
 〔蛇譜〕富貴蛇色微黃而間
 以青腹白舌赤齒黑長不過四五尺如穴人家倉困下米粟必多倍於所入其
 家必發故曰富貴蛇人家有是蛇主人至除夕必設樽俎香燈祀之
 〔孫子率
 然者常山之蛇也擊其首則尾至擊其尾則首至擊其中則首尾俱至
 〔神異
 經〕西方山中有蛇頭尾差大有色五彩人物觸之者中頭則尾至中尾則頭至
 中腰則頭尾並至名曰率然會稽常山最多此蛇
 〔唐書〕西域波斯貞觀十二
 年朝貢獻活禱蛇狀類鼠色正青身長八九寸能入鼠穴捕鼠
 〔蛇譜〕慈曼蛇
 不齧人即齧亦無大害與青簫蛇性狀相同青簫者色青而狀如簫也長四五
 尺三四尺不等二蛇俱善捕鼠水蛇亦然江南蛇多不善浮水惟水蛇善浮水
 常於水畔捕蛙為食
 〔庶物異名〕疏益蘭州注云益蘭蛇之稱也初州境山居
 人見一巨蛇長數十步從穴中出飲河腥聞數里因以為名
 〔賢奕編〕有蛇名
 高聽常闖入巨蜂房中盡收其毒乃出伏道傍莽中伺人過而螫之已尾其人

至於宅近處緣樹末而竊聽之聞其家有哭聲諗其人既斃乃悠然去否則憤
 憤復集毒螫人如初
 〔柳州集〕永州之野產異蛇黑質白章觸草木盡死以齧
 人無禦之者得而腊之以為餌可以已大風孳踈癩癘去死肌殺三蟲
 〔酉陽
 雜俎〕南安蠻江至五六月有巨蛇泛流登岸首如張帽萬蛇隨之入越王城
 〔山海經〕巴蛇吞象三歲而出骨君子服之已心腹之疾
 〔潯江記〕拜屠巴蛇於
 洞庭其骨若陵名曰巴陵
 〔玄中記〕崑崙山周二萬里蛇遶之三周長九萬里
 〔山海經〕幽都之山是有大蛇赤首白身其音如牛見則其邑大旱
 〔南史〕倭
 國有獸如牛曰山鼠有大蛇吞山鼠蛇皮堅不可斫其上有孔乍開乍閉時或
 有光射中而蛇則死矣
 〔山海經〕大同之山有蛇名曰長蛇其毛如毳豪其音
 如鼓柝
 〔蛇譜〕圓蛇產貴州右洲八萬生司中圓如卵有五彩文或山水花鳥
 竹木狀同六合石子人見之無不受捨而撫摩不忍遽舍去少頃得人氣於中
 心迸出一頭口目畢具吐舌如火輪齧人即斃人斃處草木枯槁泥土焦裂人
 不敢由此行皆迂道以避三年始復然其土猶毒苗人以竹矢插其處七日夜
 射人即斃又扁蛇濶五寸長五尺厚一寸首尾俱齊色如溫綢五色相錯而方
 不知者以為手巾也口大如斗其行如飛能逐狡兔得兔則生吞之廣西及海

南山中間有之又方蚊形如牛皮高五寸縱橫各二尺其色黃黑其行如矢發吐氣如燬烟腥不堪聞見人近輒迸出脊中黑水射之中者立斃粵西近楚山中

中有之顧渚山記顧渚山頰石洞有綠蚊長可三尺餘大類小指好棲樹杪若蟻帶纏於柯葉間無螫毒見人則空中飛鄴中記甄后既入魏宮宮庭有一綠蚊口中恒有赤珠若梧子大不傷人人欲害之則不見矣每日后梳粧則盤結一髻形於后前后異之因效而為髻巧奪天工故后髻每日不同號為靈蚊髻

事物原始菜花蚊綠色江西人捕之以作蚊卦隨所蟠之形則曰某卦以斷禍福俚俗信之酉陽雜俎藍蚊首有大毒尾能解毒出梧州陳家洞南人以首合毒藥謂之藍藥藥人立死取尾脂反解毒藥

山海經神困之山其下有白蚊北史魏爾朱新興曾行馬羣見一白蚊頭有兩角呪之求蓄牧蓄息自是牛羊駝馬日覺滋盛

風俗通馮緄發綬笥有二赤蚊分南北走卜云此吉祥也君當為邊將以東為後果為大將軍遼東太守

本草圖經烏蚊一名香蚊背有三稜色黑如漆性至良不噬物多在蘆葦中嗅其花氣或乘南風而吸其蚊烏身光頭眼有赤光腹下有白帶子一條又江東一種名黑梢蚊能纏物至死亦其類也又名烏梢蚊

朝野僉載商州有人患大瘋家人惡之山

中為起茅舍有烏蚊墜酒罌中病人不知飲酒漸差罌底見蚊骨方知其由也

水經注漢水又東合洛谷谷有二源多五色蚊性馴良不為物毒

東齋記事隋王世充討李密夜有斑蚊長丈餘向寢屋作聲如牛而吼

北戶錄嘗至雷州對岸倚舟候風勢見羣小兒簇二巨蚊各長丈餘一如孔雀尾毛色金翠

奪目一如真紅色鮮明若血又有十餘頭白蚊前後相次若導從俱入一榕藤

窠內竟不復去故知蚊有草木水土四種其類不可窮也

寰宇記滇池黃津江有大蚊名曰青葱好食人

本草青蜂蚊一名青竹蚊綠色善緣木及竹上此蚊最猛或於草莽中吐絲成網伺人過則出螫但目盲無見又名盲蚊專伺

網動以螫人又名竹根蚊大者長四五尺尾三四寸有黑點者名燭尾蚊毒尤

猛

事物紺珠青靈蚊靈亦作蛉產珠白如玉

錄異記黃領蚊長一二尺色如黃金居石縫中欲雨之時作牛吼聲中人亦死四明山有之

山堂肆考赤螻蚊赤灰色好吞鼠雀亦喜螫

一統志黃花蚊出溫江長百餘丈神光照三百餘步口吐椒梅花香熏灼三十餘里

談苑施黔州多白花蚊螫人必死縣中板簿有退丁者非蚊傷則虎殺之也州連蠻獠三月草長蚊盛則蚊防戍至

九月草衰蚊向螫則又防秋矣居民造毒藥取蚊倒懸之以刺其鼻下以器盛

其血第一滴下用以刀毒人立死故也取第二第三四者每血一滴以麩和作四丸中此毒者先吐血須臾五臟壅滿潰爛李純之少監云惟朱砂膏可治此毒純之以藥救人無數仍刻其方以示士民

山堂肆考 蕪州有白花蛇一名

塞鼻蛇諸蛇鼻向下此蛇鼻獨向上項有方勝尾有指甲人劃破其腹則自赴水中以指甲洗去其腸蟠屈而死可治風疾

華夷鳥獸考 白花蛇頭長小角

絳尾生佛指甲項透真珠白點背纏方勝花紋諸蛇死閉眼睛是則眼開如活舒靳連界上殺獲者則兩眼一閉一開驗此可辨偽真性毒善蝥人足中者輒自斷之補養已痊木接代步

蛇譜 飛蛇大不過錢圍長七八尺不等去頭尺

許有兩翅如伏翼狀棲於林木往來飛搏小鳥為食見人輒飛來齧一齧即斃斃則先取以食之然後呼羣蛇共享懼金持寸鐵擊之即不敢來烏沙國人採樵者佩小鑼隨行隨鳴蛇聞聲則頭腹展轉於樹不敢動以毒弩射之則斃

山海經 鮮山多鳴蛇狀如蛇四翼音如磬見則邑大旱

蛇譜 啼蛇二足前

二後一三角中短左右長色紫綠白三種長十餘丈善作小兒啼書則無聲每日落後即啼至旦出烏思藏山中又有歌蛇長五尺大一拱不食生物專食山間瓜果之類不齧人人以其不為民物害亦不忍傷也東印土及緬甸永昌界

俱有之每至秋清風明月之夜輒長歌如蚓然有節韻抑揚婉轉儼若刻羽流商又鼓子蛇形如鼓圓而且扁大至合抱高一尺眼目鼻舌俱生平面四川天全土司中有之每風雨將至雌雄相應而鳴其聲如過鼓大有漁陽三弄之韻又百樂蛇出越裳氏國每至春日融和風光淡蕩則出聚鳴草莽中或作絲竹聲或作金石聲或為播鼓鳴鑼聲或為喇叭長號作天鸞聲簫管琵琶百樂畢備故曰百樂蛇國人聞其聲大喜多置酒相賀謂年必豐人無疾厄蓋瑞蛇也

山海經 陽山多化蛇狀如人面豹身鳥翼蛇行音如叱呼見則邑大水

海經 秦華之上削成而四方有蛇名曰肥遺六足四翼見則天下大旱又渾夕之山有蛇一首兩身名曰肥遺

蛇譜 角蛇黔東粵西山中多有其色赤黑

相間赤處如火焰黑處如光漆又雙身蛇一頭兩身雌雄自具自為合單日糞從雄尾出雙日糞從雌尾出三月則交五月卵生如雞卵七月子育九月子成自覓食是蛇長五六尺亦有八九尺者不滿丈喜捕鼠及狸出占城國緬甸滇西亦有則食魚鰕善泗水面人以其善捕鼠嘗蓄於家然能為苗害又五頭蛇一身五頭各有雙目各各吐舌海南山中頗多嘗入水捕魚鰕為食

爾雅 軹首蛇注岐頭蛇也今江東呼兩頭蛇為越王約髮亦名弩弦

無毒夷人餌之。南史紀僧真遭母喪開冢得五色兩頭蛇。本草兩頭蛇大如指見之令人不吉。一頭無目一頭無口二頭俱能行出會稽。嶺表錄異兩頭蛇嶺外多此類時有如小指大者長尺餘腹下鱗紅背錦文一頭有口眼一頭似頭而無口眼云兩頭俱進退亦謬也。昔孫叔敖見之不祥乃殺而瘞之恐他人見復受其禍南人見之如常其禍安在。事物原始兩頭蛇兩頭俱能行以桑薪燒之則足出。嶺南異物志韶州多兩頭蛇為蟻封以避水蟻封者蟻子聚土為臺也蒼梧亦多兩頭蛇長不過一二尺或云蚯蚓所化。明道雜志黃州有小蛇首尾相類因謂兩頭蛇余視之其尾端類首而非也土人言此蛇老蚯蚓所化無甚大者其大者不過如大蚯蚓。七修類稿世言有見兩頭蛇者必死弘治間餘杭方萬初過新嶺因倦少憩樹下見蚯蚓白頸者長尺餘蛇於路左須臾出兩頭蛇蜿蜒而去竟亦無恙。物類相感志按字林云蟬即大蛇也出華回唯啖小蛇及蝮如一張其口蛇蝮即自吸去也。格物論一種形類於蛇浮游水上不傷人其名曰蛇婆。五雜俎江南有花地遍狀如小蛇螫立殺人嶺南有夜虎此其類也。華夷珍玩考石蛇盤曲似蛇但無首尾內空紅紫著色又如車螺雖與石蠃類同不知何物所化以左盤者為

善

蛇異

穆天子傳天子遺其靈鼓乃化為黃蛇

韻府靜江灘中雷公逐一黃

蛇人以石投之蛇鏗然有聲乃得一銅劍

金樓子孔子夢三槐間豐沛市有

赤虺起呼顏回子夏往觀之見赤蛇化為黃金上有文曰卯金刀後高祖起豐

沛杜陽編開成初宮中有黃色蛇夜自寶庫中出游於塔庭間光彩照灼不

可擒捕宮人擲珊瑚玦擊之遂并玦而亡去掌庫者具以事告上令徧搜庫內

乃得黃金蛇而珊瑚玦貫其首上熟視之曰昔隋煬帝為晉王時以黃金蛇贈

陳夫人吾不知此蛇得自何處左右因覩領下有阿廢字上曰果不失朕所疑

耳阿廢煬帝小字也遂命取玻璃連環繫於玉彘之前足其後更不復見焉以

彘能鳴蛇也。寓簡宣和間蔡州有一士人家書室中忽然見小蛇文章陸離

蜿蜒几格間見人不驚畏不敢傷也每日惟巳時則見至午乃隱去日日如此

士人異之因伺其至則捕之置鐵絲籃中逮午視之則堅冷化為石矣其質巧

妙天成雖鬼工不能加也明日巳時則復蠕動既又復為石而屈伸蟠結之狀

日日不同士人寶蓄持至京師見中人梁師成梁嘆曰此神物造化之所寓也

禁中有玉鼠玉兔以其時見則其物也士遂獻之。梁四公記西海西北有女

國以蛇為夫男則為蛇不噬人而穴處女為臣妾官長而居宮室鳥獸考真
臘王宮之中有金塔王夜則卧其上土人皆謂塔之中有九頭蛇精乃一國之
土地主也係女身每夜則見王先與之同寢交媾雖其妻亦不敢入二鼓乃出
方可與妻妾同睡若此精一夜不見則蕃王死期至矣若王一夜不往則必獲
災禍玄中記東海蛇邱之地險多漸如眾蛇居之無人民蛇或人頭而蛇身

格致鏡原卷九十九終

格致鏡原卷一百

昆蟲類五

蝸附蛭蟞

爾雅疏蛭蟞一名蟻蟞郭云即蝸牛也按本草蝸牛陶注云生山中及人家頭
形似蛭蟞但背負殼爾山海經注僕累蝸牛也古今注蝸牛陵螺也形如
蛭蟞殼如小螺白色生池澤草木間頭有兩角行則觸警則縮首尾俱能藏入
殼中盛夏日則自懸樹葉下以其有兩角故名牛一名土蝸一名附羸野人謂
圓舍如蝸牛故曰蝸舍亦曰蝸牛之子舍蝸殼婉轉有文章絞縛為結似螺殼
文故曰螺縛童子結髮亦曰螺髻亦謂其形似螺殼也莊子注李云蝸蟲有
兩角俗謂之蝸牛三蒼云小牛螺也俗名黃犢埤雅蝸肉中醢內則曰蝸醢
是也蝸涎規蝸每為蝸牛所食先以涎畫地規之蝸不復去南方積雨蝸涎書
畫屋壁悉成銀迹酉陽雜俎睿宗為冀王時寢壁間蝸迹成天字掃之數日
如初及即位雕玉鑄金為蝸形置道釋像前
蛭蟞山堂肆考蛭蟞俗呼涎牛又名蛭蟞身有涎好遊下濕處頭有二角如
蝸牛而無殼格物總論有二角身止一段肉而無殼者謂之蛭蟞本草蛭

蝓一名陵蝓一名附蝓一名蠶牛亦曰瓜牛
兼背有殼肉負而行則蝓蝓蝓牛是二物矣

事物原始蝓蝓二角蝓牛四角

蝓

通志蝓蝓糞土中大白蟲也

本草一名蝓蝓一名蝓蝓一名蝓蝓

埤雅蝓

蝓在糞草中外黃內黑亦或謂之蝓蝓也大者如足大指以背行乃駛於脚造
化權輿云蛇豸腹竄蝓蝓背行今俗謂之蝓蝓方言曰蝓蝓謂之蝓

蝓一曰乳齊一曰應條又名地蠶狀似蠶而大身短足長有毛以背滾行捷於
足皆濕熱氣薰蒸所化宋齊邱言燥濕相育不母而生久則羽化去

英蒿成蝓蝓庶物異名疏蝓蝓莊子云烏足根所化淮南云黍成論衡云蝓
蝓化為復育復育轉而為蟬

障宣室志蝓蝓嘗化一白衣美丈夫自言齊人曹氏子

蝓

埤雅蝓一名蝓蝓一名蝓蝓屈曲貌以形舉也 爾雅疏蝓之在木中者方
言云關東謂之蝓蝓梁益之間謂之蝓上文蝓蝓郭云木中蠶下文蝓蝓桑蠶
郭云即蝓蝓然則蝓蝓也蝓蝓也桑蠶也蝓也一也以其白而長故詩人以比

婦人之頸碩人云領如蝓蝓是也 埤雅蝓蝓生於木中內外潔白符子所謂
石生金木生蝓是也 本草蝓蝓食木心穿如錐刀身長足短口黑無毛節至
春羽化為天牛

蝓

禮記仲夏之月蝓蝓生鄭注蝓蝓蝓蝓母也 爾雅疏不過一名蝓蝓一名蝓
蝓 方言譚魯以南謂之蝓蝓三河之域謂之蝓蝓燕趙謂之蝓蝓齊杞以東
謂之馬穀 說文蝓蝓一名蝓蝓 呂覽高誘注蝓蝓世謂之天馬以其驥首

奮臂頸長而身輕其行如飛有馬之象 埤雅蝓蝓有斧蟲也哀人謂之拒斧
其臂如斧奮之當轍不避捕蟬而食執其葉以自蔽蟬將去而未飛為之一前
一却莊子曰蝓蝓執翳而搏之見得而忘其形蓋謂是也世云蝓蝓所執之翳
可以蔽形 正字通蝓蝓羽蟲之擊者搖肩搜食他蟲翼下紅翅如裙裳俗謂
織絹娘腹中有二蟲如黑線江東呼石娘又名斃眩 類從蝓蝓之氣含之生

火 韓詩外傳齊莊公出獵有蝓蝓舉足將搏其輪問其御曰此何蟲對曰此
蝓蝓也為蟲知進而不知退不量力而輕就敵公曰此為天下勇蟲矣迴車避
之勇士歸焉 七修類藁蝓蝓草蟲也飲風食露感一陰之氣而生能捕蟬而

各收鏡原

昆蟲類

蝓

蝓

蝓

二

食故又名殺蟲曰天馬言其飛捷如馬也曰斧蟲以前二足如斧也尚名不一各隨其地而稱之深秋生子於林木間一殼百子至此時則破殼而出藥中桑螵蛸是也鄰幾雜志吳春卿云往年學中置一桑螵蛸於筆格上一旦撲緣者無數檢月令視之乃螳螂生月日也孫炎爾雅正義螳螂深秋乳子至夏之初乃生是也亦生百子如螽斯云爾雅疏螳螂子一名蟬蛸一名蟬蟻一名蟬蛸

螭

古今注螭能以上苞屎轉而成丸團正無邪角一名蝮蛸一名轉丸一名弄丸莊子蝮蛸之智在於轉丸抱朴子玄蟬潔饑不羨螭蛸穢飽關尹子螭蛸轉丸丸成而精思之而有螭白者存丸中俄去殼而蟬彼蛸不思彼螭奚白埤雅衝波傳曰蝮蛸無鼻而聞香黑甲翅在甲下五六月之間經營穢場之下車走糞丸一前挽之一後推之若僕人轉車久之輒羽化如尸解仙去也格物論螭蛸也黑甲蟲噉糞一種大者名胡螭蛸身黑而光腹翼下有小黃子附母而飛行晝不出而夜出至人家庭戶中見燈光則飛來一種小者身黑而暗晝出而夜不出生長沙池澤中孤遇之必盡食之醫家以鼻頭扁者

為良或又以鼻高目深者為良即所謂胡螭蛸也庶物異名疏天桂螭蛸也見說文本草螭蛸一名推車客鐵甲將軍一名黑牛兒俗呼矢甲方書螭

蛸治瘰癧癩疾狂陽驚癇凡箭鏃入骨用巴豆微炒同螭蛸搗塗發癢癢極拔愈

諸蟲附無名蟲

埤雅蠋大蟲如指似蠶一名厄爾雅翼蠶百萬為族蠋則獨行故詩以比獨宿者管子夫龍欲小則化為蠶蠋廣志蠶蠋有五采者香槐蠋五采有角者甚具山堂肆考蛸一名蛆渠一名馬蚰一名馬蟻一名娘一名緯骨蟲一名百節蟲一名刀環蟲一名商距一名馬軸一名馬陸身如槎節節有細蹙文蓋百足蟲也莊子曰夔憐蛸蛸憐蛇言夔以少而羨多蛸以有而羨無蓋蛇無足夔一足蛸百足博物志馬陸萬足蟲蛸之大者又名馬軸中斷成兩段頭尾各行而去事物紺珠飛蛸長五六寸夏月登樹鳴冬則蟄說文雖蟲名似蜥蜴而大淮南子蟾知雨至世謂之猥狗知天雨則預於草木及橋下乾處藏其身矣物類相感志蠶乃代淮南子曰兔齧為蠶許慎云兔所齧沫著者為蠶如蠶而斑色能齧人墨客揮犀齧蟲狀似蟬形小而扁隱屋壁及書

冊中前有兩長足似蟹螯觸後則旁行觸前則卻行有鄭房秀才因揭策見之指撥之為所螫遇良醫治之曰此名惡蠅不治殺人通雅音最即蠶蠶之名物類相感志蚌其狀類蜥蜴在水中能吞人吞人之後浮出水上若昏醉之狀土人知其食人必醉伺以殺之續明道雜志黃州雨後泥中有蟲如細蚓長尺餘土人謂之蠱言或人踐之至其所踐處皆坼裂五嶽游草一種令人胃中生土一塊土内生稻芒針刺心而死名稻田蠱北邊亦有之事物紺珠十二時蠱出南海似大蜥蜴一日一夜隨十二時變其色乍赤乍黃傷人立死墨客揮犀凡夜食必以燭余一夕大醉渴甚取水將飲聞水中有聲急呼燭觀之得一蟲如蚯蚓細而長問左右曰水蠱蟲也入腹中食人腸胃楊慎外集隋書志云江南之地多蠱以五月五日聚百種蟲大者至蛇小者至蝨合置器中令自相啖因食入人腹內食其五臟死則其產移蠱主之家若盈月不殺人則畜者自踵其害累世相傳不絕自侯景之亂殺戮殆盡蠱家多絕既無主人故飛游道路中之則殞焉今此俗移於滇中每遇亥夜則蠱飛出飲冰其光如星鮑照詩所謂吹蠱痛行暉也予親見之范石湖集蠱毒在上則服升麻吐之在腹則服鬱金下之或合升麻鬱金服之不吐則下李巽巖侍郎壽為

雷州推官鞠獄得此方活人甚多搜神記曇游道人清苦沙門也剡縣有一家事蠱人噉其食飲無不吐血死游嘗詣之主人下食游依常呪願一雙蜈蚣長尺餘便於盤中跳走游便飽食而歸安然無他風俗通恙毒蟲也喜傷人古人草居露宿相勞問曰無恙廣韻恙蠶蟲善食人心也史通春秋嚴公二十九年有蟹劉歆以為蟹負蟹也劉向以為非中國所有南越盛暑男女同川澤淫風所生是時嚴取齊淫女為夫人既入淫於兩叔故蟹至山堂肆考蟹能飛本生於草八九月知寒多入人家屋中逃避好以清旦入田中吸稻花日出則散去爾雅疏蜚一名蠶蟹有云蜚蠶一名蟹者非也此蟲一名負盤有以為即負蟹者因草蟲負蟹相涉而誤也韓非子蟲有虺者一身兩口單相齧也遂相食因自殺巢元方病源伏蟲長四寸羣蟲之主虺蟲長五六寸至一尺發則心腹作痛白蟲長一寸色白頭小令人腰疼肉蟲狀似爛杏令人煩悶肺蟲狀如蠶令人咳嗽胃蟲狀如蟄令人嘔逆弱蟲亦名膈蟲狀如瓜瓣令人多唾赤蟲狀如生肉動作腹鳴蟻蟲至微形如菜蟲居腸中令人生癰疽疥蠶諸蟲皆依腸胃間氣實則不為害虛則變生諸疾也草木子疥有蟲使明者針而取之其大不以半粟也膚革完全乃因人氣血不和而化生者續

博物志有小蟲至微而響甚尋之卒不可見號竊蟲大如半胡麻有兩角白色振其頭則有聲孟康朝作賦比之鬼魅 物類相感志響蟲人行山慮迷取一枚握手中行路不迷 庶物異名疏泥無骨蟲也在水則活失水則醉如泥然故少陵詩先拚一飲醉如泥 蟬史泥一名沙喫 正字通鼓蟲大如豆光黑浮游水面葛洪肘後方治射工毒成瘡口不能語用鼓母蟲一枚口中含之即瘥 本草會編蠟蟲食冬青樹汁久而化為白脂粉敷樹枝人謂蠟蟲著樹而然至秋刮取以水煮溶濾置冷水則凝結成塊炙文理如石膏而瑩徹可和油作燭 羣芳譜蠟蟲微時白色大如雞頭子紫赤色纍纍抱枝宛若樹之結實蓋蟲將初若黍米大入春漸長大如雞頭子紫赤色纍纍抱枝宛若樹之結實蓋蟲將遺卵作房正如雀壅蝶蛹之類俗呼為蠟種亦曰蠟子子內皆白卵如細蟻一包數百凡寄子皆於夏前三日內從樹上連枝剪下去餘枝獨留寸許令抱木或三四顆乃至十餘顆作一簇或單顆亦連枝剪之剪訖用稻殼浸水半日許漉取水剝下蟲顆浸水中一刻許取起用竹箬虛包之大者三四顆小者六七顆作一包勒草束之置潔淨甕中若陰雨頓甕中可數日天熱其子多併出宜速寄之寄法取箬包剪去角作孔如少荳大仍用草繫之樹枝間其子多少視

枝小大斟酌之枝大如指者可寄枝太細幹太粗者勿寄寄後數日間鳥來啄箬包攫取子勤驅之天漸暖蟲漸出包先緣樹上下行若樹根有草即附草不復上又防蟻食蟲故樹下須艾刈極淨次行至葉底棲止更數日復下至枝條蠶皮入啞食其脂液因作花狀如凝霜 白獺髓廣中韶陽屬邑鄉中有乳蟲一名土蛹其法掘地成窖以粳米粉鋪入窖中覆以草壅以糞候雨過氣蒸則發開粉化成蛹如蠶蟪狀取蛹作汁和粳粉蒸成乳食味甚甘 五侯鯖絲蟲生南寧橫州食楓葉能作絲光明如琴絃 淮南萬畢術竹蟲飲人自言其誠高誘注以竹蟲三枚竹黃十枚和勻每用一大豆許燒入酒中令人飲之勿至大醉叩問其事必得其誠也 正字通樟蟲入醋死引其腹中筋長丈餘闔人用以緣蒲葵扇名曰蠶絲 廣博物志嘯慎氏之國有蟲獸首蛇身名曰琴蟲 洪武正韻強米中蟲 爾雅疏米穀中蠹小黑蟲江東謂之智建平人呼蚌 五雜組余行部至安邱一門人家取草蟲有子者燂黃色入饌余詫之歸語從吏云此中珍品也名蚰子縉紳中尤雅嗜之 祝允明野記公牒列海味名有毛蛭竹蛭 演繁露方言曰蝻蝻謂之尺蠖郭璞釋之曰步屈也步屈云者一步一屈也多在桑上其體質似蠶色灰褐而身瘦長其腹下兩頭有足足亦

如蠶每欲進步先聚屈其體前後幾相連著而脊背橋起直如筭釵兩頭環曲之處也此其所以為屈也已屈而聚聚已而舒則遂寸寸前進是其所以為伸也吾鄉俗呼度音蠶蠶度者蠶音之訛也埤雅尺蠖一名唧蠖似蠶而絕小行則促其腰乃能進步食葉老亦吐絲作室舊說尺蠖之繭化而為蝶亦猶繭之變蛾也亢桑子夫俗隨國政之方圓猶尺蠖之於葉也食黃則身黃食蒼則身蒼搜神記南方有蟲名蠹蠹一名蠹蠹又名青蚨形如蟬而稍大味辛美可食生子必依草葉大如蠶子取其子母即飛來不以遠近雖潛取其子母必知處以母血塗錢八十一文以子血塗錢八十一文一云母塗錢子塗貫每市物或先用母錢或先用子錢皆復飛歸輪轉無已故淮南子術以之還錢名曰青蚨爾雅蜉蝣渠畧郭璞注似蛄蜺身狹而長有角黃黑色叢生糞土中朝生暮死豬好食之邢昺疏南陽以東曰蜉蝣梁宋之間曰渠畧淮南子蜉蝣不食不飲二日而死詩疏蜉蝣方土語也通謂之渠畧似甲蟲有角大如指長三四寸甲下有翅能飛夏月陰雨時地中出今人燒炙噉之美如蟬也樊光曰是糞中蝸蟲隨雨而出朝生而夕死埤雅蜉蝣似天牛而小翕然生覆水上尋死隨流朝生暮殞有浮游之義故曰蜉蝣也本草衍義蜉蝣濕生也

色如蚓背有橫文蹙起大者長三四分磚甃及下濕處多有之埤雅伊

而底蟲形似白魚而大爾雅曰伊威委黍一名鼠婦食之令人善淫術曰

婦是也亦曰鼠負一名鼠姑或謂之鼠粘鼠婦猶鼠姑也鼠粘猶鼠負

生今俗謂之濕生鄭箋蜉蝣家無人則生本草蜉蝣似小蜈蚣

能溺人影一名蠖蝮或曰蜉蝣長一寸身有毛長五六分脚多而

間遇人影輒糞之糞著即生瘡如短狐之溺影也爾雅蠖蝮入

不蛇黃色而細長案方言云蚰蜢自關而東謂之蠖蝮或謂之入

趙魏之間或謂之蚰蜢燕謂之蚰蜢江東人呼蝮皆今蚰蜢

航雜錄淮南子云昌陽去蚤蝨而來蚰蝮去害小而來患大

人髮脂油香則入人耳及諸竅中昌陽香酷能召是物故淮

南濡雨升高則焦死故曰蚰蝮第一曰陵窮乘陵則窮也五

蟲也說者以為蚰蝮郭氏曰蚰蝮大者如釵股色正黃其

之蠖蝮也蠖蝮能以溺射人成瘡亦不聞有入耳者吳

為蚰蝮非蚰蝮也邢疏蠖蝮又名蚰蝮甲蟲也大如蠖

蟥蟥又名蟥蟥一頭數尾長二三尺左右有脚如蠶可

者善負小蟲也行遇物輒持取印其首負之背愈重其背甚卒躓仆不能起人或憐之為去其負苟能行又持取如故好上至墜地死 齊民要術穀蟲曰好妨 譚子化書蟾蜍盜人蟲之蟲也 儒門事親鐵生蟲鐵器久置則起泡中生蟲如粟黑草木子一民家鐵鍋底下起一鐵泡槌破有一紅嘴蟲其走如走金鐵中亦有蟲也 酉陽雜俎木僕尾若龜長數寸居木上食博物志南方水癩似鼻涕聞人氣閃閃而動就人體成瘡以硃砂心 楊慎外集石尤江中水蟲名此蟲出必有惡風舟人目打頭風曰嶺南人云颶風黃河人曰孟婆也 陳藏器本草砂倂一名砂倂倂飛禽走獸生砂石中形如大豆背有刺能倒行旋乾士為孔常睡此蟲生取之置枕中令夫妻相悅 北夢瑣言砂倂又名倒行狗子行鬱愚始游成都與賣草藥李山人相熟見蜀城少年往往欣然而以善價酬因詰之曰媚藥徵其所用乃砂倂與陳氏所說同李生亦之法人不可得也武陵山川媚草無賴者以銀換之有因其術而男禍非細也 物類相感志王蟻今山石井坎間生焉其狀類鰻黃灰

色翻躍之際日曜則微有金色有兩鼻聳立於腦後能偷水雖高山絕頂亦能引之江東人呼為馬土蟻或云凡發洩洪水皆其興妖天將雨或時見吐雲氣一名雉龍 酉陽雜俎雷蟻大如蚓以物觸之乃蹶縮圓轉若鞠良久引首鞠形漸小後如蚓焉或云蠶人毒甚 遁甲開山圖霍山南岳有雲師雨虎注雲師如蠶長五六寸有毛似兔雨虎長八九寸似蛭雲雨之時出在石上肉甘可食 江鄰幾雜志曹方湖為御史嘗刷卷四川言彼處萬山深雪中出雪蛆官府遣軍士四山高處懸望雪中蠕蠕而動者則往取之潭如小豬無口足眼鼻儼然蛆形也其身全脂切片而食不易得也 草木子雪蠶生陰山北及蛾眉山北二山積雪不消生蛆大如瓠俗呼雪蛆味甘美可食 癸辛雜志西域雪山中有蟲如蠶其味甘如蜜其冷如冰名曰冰蛆能治積熱 癸辛雜志凡海舟必用大板護其外不然則船身必為海蛆所蝕 蟬史海蛆極細蟲也能蝕海船久則船壞舟人以火熱船底垂涎如鼻涕蛆死矣 酉陽雜俎象浦川渚有水蟲攢木食船數十日船壞蟲甚細微 蟬史水蛆俗呼蚩蟲生積水中屈伸反覆于水長二三分大如針夏月浮水面化為蚊 蟬史蛆蠅所育也埤雅曰蠅懷蛆繁利蓋蛆初生如粟米頃之長大善腐肉多生糞溷中及肉豉以皆

有之。事物紺珠水蠶似蝦無鬚六足身扁黑色能化蜻蛉。本草水黽亦名五雜組水馬。

水馬長寸許羣行水上水涸即飛去食之令人不渴但有小毒。逆流水而躍水日奔流而步不移寸尺兒童捕之輒四散奔迸唯嗜蠅以髮繫。

蠅餌之則擒抱不脫釣至案几而不知也。陳藏器本草溪狗生南方溪澗狀似蝦尾長三四寸治溪毒遊蠱燒末水服效。事物紺珠山蟹烏斑色長二三寸生林間如百足而夫取其一節燒灰服之令人惡聞酒氣。西陽雜俎天

牛黑甲蟲也長安夏中此蟲或出於籬壁間必雨。墨客揮犀嶺南有異蟲如蚯蚓長尺餘嗜利如錐多夜出半身著地半指空而行或有誤觸之者直入人心腹食人至死乃出土人目之為夜虎其畏避之。西陽雜俎虢州有蟲名謝豹常在深土中小類蝦蟇而圓如球見人以前兩腳交覆首如羞狀能穴地如

貽鼠頃刻深數尺或出地聽謝豹鳥聲則腦裂而死俗因名之或曰謝豹人也。抱恥死其魄為蟲潛行地中羞見人掘出之猶以足覆面作忍恥狀。投荒雜錄有水蟲名諾龍狀如蜥蜴微有龍狀俗云此蟲欲食即出水據石上凡水族游泳過者至所據之石即跳躍自置其前因取食之有得者必雙雄者既死雌者即至雌者死亦然俗傳以雌雄俱置竹中以節間之少頃竹節自通里人貨

其殭者以蜂俱用為婦人惑男子術。莊子蟲生竈下其狀若脫名為鵲撥十日化為鳥。彙苑詳註青牛花葉上青蟲也有兩角如蝸牛然。正字通斑貓亦名蟹蚤。吳氏本草斑貓一名斑蚝一名龍蚝一名斑龍茵一名勝髮一名晏清。本草經一名龍尾。山堂肆考陶氏曰斑貓一蟲五變二三月在芫花

上名芫青四五月在王不留行上名王不留行六七月在葛花上即名葛上亭長八月在芫花上即名斑貓九月十月欲還地蟄即名地蟄本草注地蟄出幽州芫青出寧州亭長出雅州斑貓所在有之陶氏又曰亭長身黑而頭赤如人之玄衣赤幘故云亭長。本草經地蟄黑赤尾真者出梁山狀如大馬蟻有小

翼子偽者即是斑貓所化狀如大豆。雷公炮製芫青形類斑貓但芫青嘴尖而背上有黃痕一畫斑貓背上有黃黑各一嘴尖之一點小赤好食芫葉亭長色黃黑食蔓汁而赤頭額上有大紅一點其身亦黑。北戶錄金龜甲蟲也五

六月生於草蔓上大於榆莢細視真帖金龜子行則成雙其蟲死金色隨滅如螢光也南人收以養粉云與養粉相宜。鳥獸續考金龜子俗呼紅娘亦有具五色者外方作下氣強陰之用。嶺表錄異金龜子大如小指甲飛時即不類南人採之陰乾裝以金翠為首飾之物亦類黔中所產青蟲子也。宋祁益部

各收鏡原

昆蟲類 諸蟲

記利州金蟲體如蠶綠色光若泥金

竺法真羅浮疏山有金花蟲文采如金

形似龜

事物紺珠蝦蟇蟲蜻蜒點水生子草上青鮪魚食之腹脹孕蟲噬破

母腹出身似蟬黑色及蛇乃為蟬

虎蒼土蟄俗呼蚌虎蚌者屋蠹也此物氣

能禁蠹令蠹盡死故曰蚌虎又名簸箕蟲

埤雅土蟄一名蟻一名地蟄一名

過街言逢申日則過街殆與鷓鴣忌庚申燕避戊巳無異也

賈子說林孫鳳

有一琴人唱曲則琴弦自相屬和琴背有一孔若蛙者一日有一道人乞食見

之曰此中有蛙不除之則皆速朽因袖中出一小竹筒倒黑藥少許孔側有一

綠色蟲出背上隱隱有金線文道人納蟲竹筒中竟去自是彈唱琴弦不復鳴

矣有博物君子說及此事嘆曰此異寶也謂之鞠通有耳聾人置耳邊少時即

白澤圖千歲木

愈喜食枯桐尤愛古墨鳳始悟道人竹筒中藥蓋古墨屑也

感應經陽遂蟲其背青黑腹下白

中有蟲名曰賈詵狀如豚食之如狗肉味

嶺表錄異麗降生嶺南橄欖樹

有五足長短大小皆等不知首尾所在生時體軟死則乾脆

庶物異名疏魯

仲連引古語馮功之蟲三斷不僵馮功蟲名

上形如蝸蟬腹青而薄其鳴自呼但聞其聲鮮能得之人求之為媚藥

乾魚骨之沫為斯彌注斯彌蟲名也

莊子羊奚比乎不筭久竹生青寧注青

寧蟲名

續博物志唐武德四年官市郎中有疑為狼筋者有老僧云貧道昔

曾以一千於賈胡市得三枚狀如巨蛹兩頭光帶黃色涇帥段祐宅失銀器十

餘集奴婢環庭爨之蟲慄動有一女奴臉唇動乃竊器者

丹鉛總錄說文

鼃匾鼃也揚雄訓纂說匾鼃為蟲名按臨海水志鼃似鼃一名匾鼃又名鼃

鼃一枚有三斛膏

字林聶聽蟲名似蜥蜴出魏興郡居樹上下齧人輒上樹

垂頭聽哭聲乃去

本草丹戩一名飛龍主蜀都如鼠負青股蜚頭赤七月七

日採主心腹積血又益符一名無舌可療閉疾又扁前主鼠瘻癘利水道生山

陵如牛蚤翼赤

山堂肆考佻負蟲似似織而白色雙鬚甚長無翼不能鳴偃

背長股善跳好居下濕地雌雄未嘗相離

正字通吉丁蟲背綠翅在甲下出

嶺南

淮南子注朝菌朝生暮死之蟲也生水上狀如蠶蛾一名率母南海謂

之蟲邪

本草別錄天社蟲狀如犬大腰食草木葉主絕孕益氣

酉陽雜俎

抱槍水蟲也形如蛙蛻稍大腹下有刺以槍如棘鍼螫人有毒碎車蟲狀如啣

聊蒼色好棲高樹上其聲如人吟嘯終南有之其大而黑者聲亦呼啣聊俗呼

沒鹽蟲

庶物異名疏益州有蟲曰壓油者形似水鳧每自春時從水出自呼

其名因而採取以重物壓之油即津津油罄皮存投水復生蓋亦一種業報

內典所謂壓油殃者是也

酉陽雜俎食膠蟲夏月食松膠前脚傳之後脚聶

之內之尻中 **宣室志**吳郡陸顯幼嗜麩有胡曰君好食麩腹有蟲耳因出藥

令顯餌之頃吐出一蟲長二寸許色青狀如蛙胡曰此名銷麥蟲實奇寶也以

麩斗餘食之立盡胡局之金函以金玉繒帛數萬為獻乃捧函而去歲餘胡拉

顯至海上投前蟲於油中煉之七日有一人瑤冠霞衣齋一珠至徑五寸許奇

光泛空光照數百步胡喜而受之絕燎收蟲蟲跳躍如初於是齋珠入海緊隨

珠光所及水皆豁開迺入龍宮鮫室恣取珍異而出更厚贈陸 **爾雅**蠖齧桑

注似天牛長角體有白點喜齧桑樹作孔入其中江東呼為齧髮 **爾雅疏**蠖

輿父一名守爪黃甲小蟲喜食瓜葉因名守爪 **古今注**結草蟲一名結葦好

於草末折屈草葉以為巢窟處處有之 **浮蘭雜志**結 蟲一名水螺一名囊

衣丈人 **異苑**有小蟲形色如赤豆呪令叩頭又呪令吐血皆從所教如欲請

放稽顙輒七十而有聲故俗呼為叩頭蟲 **山海經**狡翼之山有蝮蟲色如綬

文鼻上有針名反鼻蟲大者重百餘斤 **事物紺珠**鼻涕蟲泥壁未乾揮涕其

上化蟲如蚓 **本草**青腰蟲如蟻大赤色腰中青黑尾尖有短翅能飛春夏有

之性太毒著皮肉腫起 **物類相感志**獨足蟲形如小蜂黑色連樹不能去人

取帶之令人媚夫妻相愛五六月米而得之此蟲多出南中

山堂肆考應聲

蟲中人腹中若有言小蟲者輒應之惟讀本草至藍則默然以藍汁飲之則吐

出六塊長二寸餘人形悉具服雷丸數粒即愈 **事物紺珠**寫字蟲如大黑豆

施仁水面 **酉陽雜俎**南中有蟲名避役一名十二辰蟲狀如蛇醫脚長色青

赤 **內鬢**暑月時見之離壁間俗云見者多稱意事其首倏忽更變為十二辰狀

有尤如螢 **東方朔**列傳漢武帝幸甘泉 **坂馳道**有蟲蟠而覆地赤如生肝頭

目口鼻耳齒盡具東方朔曰此蟲名怪哉秦始皇拘係無罪幽殺無辜眾庶愁

怨咸仰首嘆曰怪哉怪哉憤氣之所生也此地必秦之故獄處也詔按地圖果

秦獄也上曰當何以去之朔曰凡積憂者得酒而解以酒灌之當消於是使人

取蟲置酒中須臾糜爛上賜朔帛百疋後屬車上載酒為此也 **玄山記**元載

以鼻聞酒氣便醉人以為可治即取針挑載鼻尖出一小蟲曰此酒魔也聞酒

即畏之是日載徑飲至二斗五日倍是 **事物紺珠**溪鬼蟲似蝓蜺大如雞子

一角長寸餘角四岐黑甲下有翅能飛佩其角辟水毒 **爾雅**蜺縊女 **注**小

黑 蟲赤頭喜自經死故曰縊女 **異苑**縊女長寸許頭赤身黑恒吐絲自懸昔齊

東郭姜既亂崔行之室慶封殺其二子姜亦自縊俗傳此婦骸化為蟲故以縊
女名蟲也 異物志 郎君子生南宮有雌雄青碧色狀若兩掌杏仁欲驗真假
先含口內令熟然後放醋中雌雄相逐遂便合即下其卵如粟粒狀乃真也
婦人臨產手執之便生子 事物紀原 豆娘子如蜻蛉極小堅翅紅娘子似莎
雞頭翅赤 東坡志林 雍邱令米希有書言縣有蟲食麥葉不食實既食其葉
則實自病為害甚於蝗有小甲蟲見輒斷其腰而去俗謂之旁不肯 五雜俎
山東草間有小蟲大僅如沙礫啗人痒痛覓之即不可得俗名掣不住吾閩中
亦有之俗名沒子其意也視 山東名為佳矣

無名蟲 南史 王敬則時於草中射獵有蟲如烏豆集其身摘去乃脫其處
皆流血敬則惡之詣道士卜道士曰此封侯瑞也 酉陽雜俎 温會在江州與
賓客看打魚漁子一人忽上岸狂走問之但反手指背不能語漁者色黑細
視之有物如黃葉大尺餘眼遍其上取之不可取温令燒之方落每對一眼底有
嘴如釘漁子出血數升而死莫有知者 酉陽雜俎 河南少尹韋絢少時嘗於
夔州江岸見一異蟲初疑一棘刺從者驚曰此蟲有靈不可犯犯之或致風雨
韋試令踏地驚之蟲飛伏地如滅細視地上若石爪馬良久漸起如舊每刺上

有一爪忽入草疾走如箭竟不知何物

博物志 倉梧人卒便有飛蟲大如麥

有甲或石餘或三五斗米食之如風雨之至斯須而盡人而為患不可除唯畏
梓木自後以梓木為棺更不復來 廣古今五行志 隋大業末洛陽有染傳口

病者其兄氣未絕其弟見一物自死人口中出躍入其口即病歲餘卒臨終戒
妻子破喉腦視之如其言於腦中得一物形如魚有兩頭相竝遍體有肉鱗置
鉢中跳躍不止投以諸味及毒藥皆成水偶以小靛投之此物即惶遽奔擲頃
刻銷化 酉陽雜俎 嘗有士人客游十餘年歸莊莊在登封縣夜久士人睡

未著忽有火星發於牆階下初為螢稍稍芒起大如彈丸飛燭四隅漸低輪轉
來往去士人面纔尺餘細視光中有一女子貫釵紅衫碧裙搖首擺尾具體可
愛士人因張手掩獲燭之乃鼠糞也大如雞棲子破視有蟲赤首青身殺之

嶺南異物志 五嶺春夏率皆露水霑日既少涉秋入冬方止凡物皆易蠹敗萌
膠甌無逾年者嘗買芥菜置壁下忘食數日皆生四足蟲有首尾能行走大
如螳螂但腰身細長耳

